



FYLKESMANNEN I
MØRE OG ROMSDAL



Fosnavåg.

Herøy kommune



Eit grunnlagsdokument for dialog mellom Herøy kommune og Fylkesmannen i
Møre og Romsdal

3.3.2015

Utgitt av Fylkesmannen i Møre og Romsdal

Dokument ferdigstilt 3.3.2015

Ansvarleg redaktør : Assisterende fylkesmann Rigmor Brøste,

Redaksjon/Kontaktpersonar:

Sveinung Parr Dimmen, samordnar, Fylkesmannen i Møre og Romsdal tlf: 71 25 84 20 / 48 14 90 56
epost: sveinung.dimmen@fylkesmannen.no

Vidar Ryther Myklebust, kommunikasjonsrådgivar, Fylkesmannen i Møre og Romsdal, tlf 71 25 84 19
/ 918 28 322 epost: vidar.myklebust@fylkesmannen.no

Rigmor Brøste, assisterande fylkesmann i Møre og Romsdal, tlf 71 25 84 14 / 926 59 401, epost:
rigmor.broste@fylkesmannen.no

For meir informasjon sjå: <http://fylkesmannen.no/More-og-Romsdal/>

Innhald

Forord.....	5
Kap. 1 – Innleiing.....	6
1.1 Innhald/struktur i dokumentet	6
1.2 Kort om Fylkesmannens rolle og funksjon	8
1.3 Forankring i strategiplanen og i embetsoppdraget.....	10
1.4 Fylkesmannen sine satsingar på tvers av fagavdelingane	10
1.5 Kort om Herøy kommune.....	12
Kap. 2 - Lokal samfunnsutvikling og kommunesamordning	15
2.1 Generelt om status, utviklingstrekk og utfordringar på fagområdet	15
2.2 Kommuneplanlegging som politisk og administrativt styringsverktøy.....	17
2.3 Folkehelse	20
2.4 Betre oppvekst – felles innsats for barn og unge.....	25
2.5 Kommuneøkonomi og økonomistyring.....	29
2.6 Kommunereforma	31
Kap. 3 – Justis- og beredskap	34
3.1 Generelt om status, utviklingstrekk og utfordringar på fagområdet	34
3.2 Samfunnstryggleik og beredskap.....	34
3.3 Klagesaker etter plan- og bygningslova.....	36
3.4 Vergemål.....	37
Kap. 4 - Miljøvern og arealforvaltning	38
4.1 Generelt om status, utviklingstrekk og utfordringar på fagområdet	38
4.2 Forvaltning av arealressursane gjennom kommunal arealplanlegging	39
4.3 Naturvern.....	40
4.4 Forureining.....	41
Kap 5 – Landbruk.....	44
5.1 Generelt om status, utviklingstrekk og utfordringar på fagområdet.....	45
5.2 Landbruk og bygdeutvikling	49
5.3 Forvaltningsoppgåver på landbruksområdet	51

Kap. 6 – Oppvekst og utdanning.....	54
6.1 Generelt om status, utviklingstrekk og utfordringar på fagområdet	54
6.2 Barnehage.....	55
6.3 Grunnskule.....	58
Kap. 7 – Helse og sosial.....	63
7.1 Generelt om status, utviklingstrekk og utfordringar på fagområdet	63
7.2 Kommunehelse	64
7.3 Pleie og omsorg	66
7.4 Gjennomføring av helsehjelp eller omsorgstenester med tvang	70
7.6 Rusfeltet	73
7.8 Barnevern	79
Kap. 8 – Oppsummering	81
8.1 Generelt	81
8.2 Vidare dialog og samarbeid.....	81
Vedlegg.....	83

Forord

Kjære politikarar og leiarar i Herøy kommune

I Møre og Romsdal ønskjer Fylkesmannen å besøke alle 36 kommunane i perioden 2013-2015 for å kunne gjere jobben som bindeledd mellom kommunane og sentrale styresmakter enda betre. På våre kommunebesøk er det formannskapet og øvste administrative leiing i kommunane vi ønskjer å ha ein dialog med.

I forkant av kvart kommunebesøk vert det utarbeidd eit kommunebilete som beskriv korleis vi ser på kommunen og korleis den utfører sine oppgåver innan dei ulike fagområda.

Etter kvart kapittel er det laga såkalla «dialogpunkt» med spørsmål som kommunen å ta med seg i sitt vidare arbeidet med kvalitetsutvikling av tenestene. Det er også meininga at vi tek fatt i nokre av desse dialogpunktene som grunnlag for diskusjonen. Kva for punkt som vert diskutert er også opp til den einskilde kommunen.

Vi har ei felles målsetting om å tilby gode tenester til våre innbyggjarar i Møre og Romsdal, og vi ønskjer å vere ein medspelar for kommunane. At vi kjenner betre til kvarandre, våre ulike roller og oppgåver trur vi vil bidra til nettopp dette. Spesielt er vi opptatt av satsingsområda *folkehelse og barn og unge sine oppvekstvilkår*. Det er ei av årsakene til at vi etterspør representantar frå Ungdomsrådet, og ønskjer å høyre kva dei er opptekne av.

Vi ser fram til besøket i Herøy kommune.

Lodve Solholm



Kap. 1 – Innleiing

- *Om innhald/struktur i dokumentet*
- *Kort om Fylkesmannens rolle og funksjon, med søkerlys på dialog og samarbeid med kommunane*
- *Forankring i strategiplanen og i embetsoppdraget*
- *Om overordna prioriteringar og satsingar på tvers av fagavdelingane*

1.1 Innhald/struktur i dokumentet

Kommunebilde for Herøy vil inngå som eit viktig grunnlag for nærmare samarbeid og dialog mellom Fylkesmannen og kommunen. Dokumentet er forankra i Fylkesmannens embetsoppdrag. Målet med dokumentet er at kommunen og Fylkesmannen saman kan ha dialog om ulike utfordringar og korleis ein saman kan kome fram til betre løysingar for innbyggjarane i Møre og Romsdal.

Kommunebildet vil saman med kommunestatistikk og andre aktuelle grunnlagsdokument vere eit naturleg utgangspunkt for Fylkesmannens opplegg for samordna kommunebesøk i den aktuelle kommunen. Dokumentet vil bli oppdatert/revidert i samband med dette.

Innhaldsmessig rettar dokumentet søkerlys mot følgjande tema:

- Regional og kommunal samfunnsutvikling - plansamordning
- Kommunal og beredskap
- Helse- og sosial
- Oppvekst og utdanning
- Miljøvern og arealforvaltning
- Landbruk

Tema/kapittelinnndeling avspeglar i hovudsak strukturen i fagavdelingane hos Fylkesmannen. For kvart tema blir presentasjonen bygd opp rundt tre hovedpunkt:

- **Fylkesmannen sine fokusområde**
 - *omfattar relevante og konkrete forhold for Fylkesmannens kontakt med kommunane i fylket med utgangspunkt i statlege forventningar og politikk*
- **Fylkesmannen sitt bilde av kommunen**
 - *omfattar ei kort oppsummering av kommunen sin status i forhold til Fylkesmannens fokusområde og eventuelle andre relevante forhold*
- **Dialogpunkt**
 - *omfattar utvalde innsatsområde der Fylkesmannen ønskjer nærmare dialog og samarbeid med kommunen*

Som vedlegg til dokumentet er det m.a. tatt med aktuelle lenker til:

- Statistikk
- Tabellar/figurar/kart
- Planar/dokument m.m.

Det er viktig å understreke at kommunebildet frå Fylkesmannen si side ikkje er meint som eit uttømande bilde av kommunen, men at dokumentet rettar søkelyset mot forhold der kommunen har eit handlingsrom eller utviklingspotensial som det er viktig å ha dialog om. Dokumentet reflekterer vårt inntrykk av kommunen på overordna nivå, og er meint å gi ei rask, samla oversikt over ulike utfordringar kommunen står over for. Dei ulike punkta kan elles i ulik grad vere kvalitetssikra, og vil heller ikkje representera ein fasit eller objektivt syn på situasjonen i kommunen.

Oversikt over nye og endra statlege styringssignal retta mot kommunane er tilgjengeleg på Fylkesmannens heimeside <http://www.fylkesmannen.no/More-og-Romsdal/>. Møre og Romsdal fylkeskommune har utarbeidd ein “statistikkpakke” til kvar kommune med tilrettelagt informasjon om utvalte utviklingstrekk for kvar kommune i fylket, og spesielt utvikla med tanke på kommunane sitt planarbeid: <http://mrfylke.no/kommunestatistikk>

Fylkesstatistikk for Møre og Romsdal, RISS og TEMP er andre publikasjonar frå fylkeskommunen som kan vere tenleg som kunnskapsgrunnlag til planarbeidet <http://mrfylke.no/Tenesteomraade/Plan-og-analyse/Statistikk-og-analyser/Fylkesstatistikk>

1.2 Kort om Fylkesmannens rolle og funksjon

Lodve Solholm er fylkesmann i Møre og Romsdal frå 01.10.2009. Rigmor Brøste er assisterande fylkesmann.

Fylkesmannen er Kongen og Regjeringa sin fremste representant i fylket og utfører mange og svært allsidige forvaltningsoppgåver for staten (dei ulike departementa).



Lodve Solholm

Oppgåvene er grovt sett tredelede:

- å setje i verk Regjeringa/Stortinget sin politikk ute i kommunane/fylkeskommunen
- å samordne staten sin politikk/verksemrd mot kommunane
- å passe på at innbyggjarane får den rettstryggleiken dei har krav på



Rigmor Brøste

Fylkesmannen har både reine fagoppgåver (for fagdepartement /direktorat) og meir generelle/samordna statsoppgåver. Alle oppgåvene er i det vesentlege retta mot kommunane i fylket:

- formidling av statlege styringssignal
- fordeling av statlege tilskotsordningar
- klagesaksbehandling over kommunale og fylkeskommunale vedtak etter div. særlover
- tilsyn etter div. særlover

Fylkesmannen har oppgåver innanfor fleire fag- og forvaltningsområde:

- miljø
- landbruk
- oppvekst og utdanning
- helse og sosial
- planlegging og byggesak
- kommunal organisering og tenesteyting

Fylkesmanninstrukturen har meir om oppgåvene til embetet:

<http://www.regjeringen.no/nn/dep/fad/dokument/proposisjonar-og-meldingar/Odelstingsproposisjonar/20002001/otprp-nr-84-2000-2001-.html?id=123802>

Fylkesmannsembetet i Møre og Romsdal har om lag 130 tilsette er lokalisert i Fylkeshuset i Molde. Embetet er fra 01.01.2014 organisert i to stabseiningar og fem fagavdelingar.

Stabseiningane:

- **Administrasjon**, med arbeidsoppgåver knytt til økonomi, personal, IKT, arkiv og service.
- **Informasjon og kommunal samordning**, med arbeidsoppgåver knytt til intern og ekstern informasjon, plansamordning etter plan- og bygningslova, kommuneøkonomi og økonomistyring, tverrfaglege prosjekt og satsingar, interkommunalt samarbeid m.v.

Fagavdelingane:

- **justis- og beredskapsavdelinga**
- **helse- og sosialavdelinga**
- **landbruksavdelinga**
- **miljøvernnavdelinga**
- **oppvekst- og utdanningsavdelinga**



Lenke til Fylkesmannens heimeside: <http://fylkesmannen.no/More-og-Romsdal/>

1.3 Forankring i strategiplanen og i embetsoppdraget

Fylkesmannen i Møre og Romsdal har vedtatt ein eigen *Strategisk plan 2012 – 2016*; sjå <http://fylkesmannen.no/fagom.aspx?m=59276&amid=3599318>

Strategiplanen er ei felles plattform som viser retning for arbeidet i planperioden. Planen skal ligge til grunn for det daglege arbeidet og verksemdeplanar i avdelingane. Strategiplanen kan òg tene som nyttig informasjon til brukarar og samarbeidspartar, og vil vere ei viktig plattform i arbeidet med dei kommunevise kommunebilda.

Strategiplan 2012-2016:

Strategiplanen tar utgangspunkt i følgjande verdiar og visjonar:

- **Verdiar:** Rettferdig, Kompetent, Open og engasjert
- **Visjon:** Trygg framtid for folk og natur

Planen rettar vidare soknelys mot følgjande tre hovudmål:

- **Setje i verk statleg politikk** – omfattar formidling og iverksetting av statleg politikk og forventningar til kommunane på tvers av alle politikkområde.
- **Samordning** - omfattar samordning av statleg og kommunal forvaltning og medverknad til samarbeid mellom regionale statsetatar og andre regionale aktørar.
- **Rettstryggleik** – omfattar fremjing av rettstryggleik for einskildmenneske og fellesskap, med vekt på likeverd.

Embetsoppdraget er ei oversikt over Fylkesmannens totale oppgåveportefølje fordelt på dei ulike departementa; sjå <http://www.fylkesmannen.no/hovedEnkel.aspx?m=69600>

1.4 Fylkesmannen sine satsingar på tvers av fagavdelingane

Fylkesmanninstrukksen slår m.a. fast at Fylkesmannen skal:

- medverke til samordning, forenkling og effektivisering av den statlege verksemda i fylket
- arbeide for best mulig samarbeid mellom kommunane, fylkeskommunen og den lokale statsforvaltninga
- bistå statlege etatar med behandlinga av spørsmål som blir tatt opp med kommunane eller fylkeskommunen

Fylkesmannens samordningsansvar gjeld tverrsektoriell samordning av statlege styringssignal retta mot kommunesektoren, og omfattar samordning mellom sektorar og mellom forvaltningsnivå.

Samordningsansvaret gjeld også i forhold til statlege etatar i fylket som er plassert utanfor fylkesmannsembetet, og som har eit oppfølgingsansvar overfor kommunesektoren

Det er ein føresetnad at fylkesmannsembetet i sin kontakt med kommunane opptrer samordna, det vil seie at embetet skal framstå som ei samla eining på tvers av fagavdelingane.

Som eit ledd i dette vil det vere behov for ulike typar samordning:

- Gjennom **fagleg samordning** skal Fylkesmannen samordne enkeltsektorar og søke løysingar som kan ligge i skjeringspunktet mellom ulike sektorinteresser
- Gjennom **kommunesamordning** blir styringssignal samordna for å sikre lokalt handlingsrom og samsvar mellom oppgåver og økonomisk rammer

Fylkesmannen sin kommuneretta samordningsaktivitet er forankra i statens overordna mål for styring av kommunesektoren; jf. omgrepa *rammestyring* og *lokal handlefridom*.

Kommunen skal fungere i spenningsfeltet mellom lokalsamfunnets behov for å styre eiga utvikling og statens behov for å implementere nasjonal politikk på lokalt nivå og med lokal medverknad. Kommunen skal altså kunne ivareta både ein sjølvstyrefunksjon og ein forvaltningsfunksjon. Kommunen sine muligheter til å gjere lokale politiske prioriteringar er eit sentralt mål for Fylkesmannens samordningsverksemd. Den kommunale handlefridomen skal også sikrast ved at summen av oppgåvene den enkelte kommune blir pålagt ikkje skal overstige ressursane.

Det er særleg viktig at mål og prinsipp for kommuneretta samordning blir lagt til grunn i samband med Fylkesmannens verksemd på følgjande tema-/saksområde – og også i forhold til koplingar mellom desse:

- samordning av enkeltsaker
- kommunal økonomi
- tildeling av skjønstilskot
- medverknad til kommunal planlegging
- kommunale organisasjonsspørsmål
- omstilling i kommunane

1.5 Kort om Herøy kommune

- Besøksadresse: Rådhusgata 5 Fosnavåg
- Postadresse: postboks 274, 6099 Fosnavåg
- Epost: postmottak@heroy.kommune.no
- Telefon: 70 08 13 00
- Kommunens heimeside: <http://www.heroy.kommune.no/>

Herøy kommune ligg ytst ved ved kysten i den sørvestlege delen av Sunnmøre. Kommunen har eit samla areal på 120 km². Naturen og landskapet er variert og mangfaldig, prega av kystområde med øyar, holmar, fjordar og sund, men også med innslag av skog, myr og fjellområde. Kommunen omfattar fleire bebudde øyar som alle er knytt saman med brusamband. Fosnavåg er kommunesenter. I tillegg omfattar kommunen fleire bygder/mindre tettstader. Kommunen grensar i nordaust mot Ulstein og i sør mot Sande og Vanylven

Kommunen har veg- og ferjesamband nordover via Ulstein og Hareid – og austover mot Ørsta og Volda. Frå Hareid er det ferjesamband vidare til Sula og Ålesund - og hurtigbåtsamband til Giske til Ålesund Lufthavn Vigra. Mot aust gjennom den undersjøiske Eiksundtunnelen ligg Ørsta-Volda Lufthamn Hovden. Mot sør har kommunen vefsamband via Sande og Vanylven til Måløy og Nordfjordeid. Kommunen har daglege anløp av hurtigruta i Torvik.

Herøy har i dei seinare åra hatt relativt stabil eller svak vekst i folketalet. Kommunen hadde pr. 01.01.2015 eit folketal på 8934. Dei fleste innbyggjarane bur i eller rundt kommunesenteret Fosnavåg. Tal frå 2013 viser at 71,4 prosent av befolkninga i kommunen er busette i tettbygde område (mot 69,2 prosent for fylket samla). Kommunen har den siste 10-årsperioden (2004 - 2014) samla sett hatt vekst i folketalet på +5,9 prosent. Dette er litt under gjennomsnittet for fylket samla sett som har hatt ein vekst på +6,9 prosent i same periode. Folketalsutviklinga siste året (2013-2014) er uendra (mot +1,1 prosent for fylket samla). Fødselsoverskotet for siste år er svakt positivt (+1). Tal for same periode (2013 – 2014) viser elles negativ innanlands nettoinnflytting (-96), medan nettoinnvandringa frå utlandet er tilsvarande positiv (+95). Innvandrarbefolkninga i prosent av det samla folketalet i kommunen (10,8 prosent) ligg lom lag på gjennomsnittet for Møre og Romsdal (jf. fylkessnitt 10,5 prosent). Tala for fylket samla ligg elles noko under landsgjennomsnittet (14,9 prosent). Fordelinga av befolkninga på aldersgrupper viser at kommunen for gruppa 0 – 19 år ligg litt over fylkesgjennomsnittet; 25,9 mot 24,9 prosent. For gruppa 70 år og eldre viser statistikken at kommunen også her plasserer seg litt over gjennomsnittstala for fylket; 12,1 prosent for kommunen mot 11,9 prosent for fylket samla.

Næringslivet i kommunen har tradisjonelt vore prega av fiske, gjerne i kombinasjon med jordbruk. Nye næringer har etter kvart kome til og næringslivet omfattar i dag ei rekke ulike bransjar knytt til industri, handel, offentleg og privat tenesteyting m.m. Tal for næringsliv og sysselsetting viser at fiskerinæringa framleis står sterkt i kommunen. Dette omfattar også talet på sysselsette innan *transport og lagring*. Sysselsettinga innan både *industri* og *varehandel* ligg om lag på nivå med gjennomsnittet for fylket elles.

Kommunen har ei samla arbeidsplassdekning på 91 prosent. Dette plasserer kommunen litt under gjennomsnittet for kommunane elles i fylket; jf. fylkesgjennomsnittet på 96 prosent. Tal frå 2013 viser elles at kommunen har større ut- enn innpendling (1237 pendlar ut mot 829 inn). Ulstein er den klart største pendlingskommunen, der etter følgjer Hareid, Sande og Ålesund. Dette omfattar både ut- og innpendling. (Kjelde: SSB og Fylkesstatistikk for Møre og Romsdal 2014).

Merk: Fylkeskommunen har utarbeidd ein kommunestatistikk med grafiske presentasjonar av aktuelle data på kommunenivå, kommunen samanlikna med andre kommunegrupper, fylket og landet; <http://mrfylke.no/Tenesteomraade/Plan-og-analyse/Statistikk-og-analyser/Kommunestatistikk>

Kommunen som organisasjon

Politisk organisering:

- Kommunestyret i Herøy har 33 representantar; sjå <http://einnsyn.heroy.kommune.no/utvalg/Details/3>
 - Arnulf Goksøyr (Høgre) er ordførar i inneverande valperiode (2011 – 2015); e-postadresse: arnulf.goksoyr@heroy.kommune.no tlf. 70083303 – mobil 90107135
 - Varaordførar er Tor Sindre Steinsvik (Høgre)
- Kommunen har formannskap med 9 faste medlemer, sjå <http://einnsyn.heroy.kommune.no/utvalg/Details/1>
- For oversikt over politisk struktur og andre kommunale utval; sjå kommunens heimeside under overskrifta *Politikk* <http://www.heroy.kommune.no/politikk/?MId1=56>

Administrativ organisering:

Olaus Jon Koperstad er rådmann i Herøy kommune.

Epost: olaus-jon.kopperstad@heroy.kommune.no

For meir om administrativ organisering og ulike tenesteområde; sjå

<http://www.heroy.kommune.no/tenester/>

Kap. 2 - Lokal samfunnsutvikling og kommunesamordning

- Kommuneplanlegging som politisk og administrativt styringsverktøy
- Kommuneøkonomi
- Folkehelse
- Betre oppvekst – felles innsats for barn og unge
- Interkommunalt samarbeid

2.1 Generelt om status, utviklingstrekk og utfordringar på fagområdet

Med utgangspunkt i viktige regionale og kommunale utviklingstrekk blir søkelyset i det følgjande retta mot kommunen si rolle som samfunnsutviklar og som tenesteleverandør. Kommunal

planlegging vil i tråd med dette vere eit viktig utviklings- og styringsverktøy – både for kommunen som samfunn og kommunen som organisasjon.



Fylkesmannen har fleire roller og oppgåver innan planlegging etter plan- og bygningslova (tbl). Ei viktig oppgåve i planprosessar er å formidle nasjonal politikk innanfor viktige fagområde, der arealpolitikk og miljøvern, landbruk, helse, oppvekst og samfunnstryggleik står sentralt. Fylkesmannen skal sjå til at nasjonale og regionale omsyn blir ivaretatt i planarbeidet, og elles også sikre at kommunale vedtak i plan- og byggesaker er i samsvar med gjeldande lovverk. Vidare har Fylkesmannen ansvar for behandling av klager på kommunale vedtak i plan- og byggesaker etter lova. Fylkesmannen har også rolle som meklar i plansaker der det ligg føre motsegn. Fylkesmannen har eit særleg ansvar for å orientere om det økonomiske opplegget for kommunesektoren og rettleie kommunane i økonomisk planlegging og forvaltning. Fylkesmannen har også ei viktig oppgåve knytt til lokal omstilling og fornying i kommunesektoren.

Dei 36 kommunane i Møre og Romsdal viser stor variasjonsbreidde i forhold til demografi og busettingsmønster, næringsliv og økonomi, natur- og ressursgrunnlag, transport og samferdsel; sosiale og kulturelle forhold osv. Fylkeskommunen har eit overordna ansvar for regionalt samarbeid, regional utvikling og regional planlegging i dialog med kommunar og andre offentlege, frivillige og private aktørar. Viktig informasjon om Møre og Romsdal er samla i *Fylkesstatistikk 2014*, og vil kunne inngå som eit viktig arbeidsverktøy for kommunane, næringslivet og andre som har behov for oppdatert statistikk i sitt arbeid. Fylkeskommunen har på bakgrunn av dette også utarbeidd ein eigen kommunestatistikk; sjå <http://mrfylke.no/Tenesteomraade/Plan-og-analyse/Statistikk-og-analyser/Kommunestatistikk>

Regional planstrategi 2012 – 2016 gjer nærmare greie for viktige utviklingstrekk og hovudutfordringar i fylket, og inneholder oversyn over korleis dei prioriterte planoppgåvene skal følgjast opp vidare; sjå <https://mrfylke.no/Tenesteomraade/Plan-og-analyse/Regional-planlegging/Regional-planstrategi/Regional-planstrategi-2012-2016>. Eit viktig mål med planstrategiarbeidet er å avklare regionale utfordringar og moglegheiter, samt prioritere viktige område for regional samhandling og planlegging i planperioden. Planstrategien skal også ivareta nasjonale forventningar og prioriteringar. Gjennom dette vil det kunne leggast til rette eit tettare samarbeid mellom Fylkesmannen, regional statsforvaltning og fylkeskommunen om regional planlegging. Det kan også inngå som eit meir forpliktande styringsverktøy for å sjå utfordringar i fylket på tvers av kommunegrenser, forvaltningsnivå og sektorar. Vidare kan viktige satsingsområde og prioriteringar nedfelt i den regionale planstrategien vere med å opne opp for regionale tilpassingar knytt til Fylkesmannens embetsoppdrag.

Fylkeskommunen skal utarbeide regionale planar for dei spørsmåla som er fastsette i den regionale planstrategien. Regionale planar kan gjelde for heile regionen, delar av regionen eller vere tematiske. Eit planspørsmål som har verknad for fleire kommunar er i utgangspunktet eit aktuelt tema for ein regional plan. Fylkesplanen er arena for samarbeid om langsiglig og strategisk planlegging i regionen. Med *Fylkesplan 2013-2016* <http://mrfylke.no/Tenesteomraade/Plan-og-analyse/Regional-planlegging/Fylkesplan/Fylkesplan-2013-2016> er sørkelyset retta mot 4 prioriterte satsingsområde; *Kultur, Kompetanse, Verdiskaping og Samferdsel* - og 6 gjennomgående perspektiv; *Barn og unge, Folkehelse, Universell utforming, Likestilling og inkludering, Internasjonalisering og Miljø og klima*.


2.2 Kommuneplanlegging som politisk og administrativt styringsverktøy

Den kommunale planlegginga skal etter plan- og bygningslova samordne både den fysiske, økonomiske, sosiale og kulturelle utviklinga. Kommunal planlegging er i lys av dette eit viktig verktøy for utvikling og styring både av kommunen som samfunn og kommunen som organisasjon.

Regional og kommunal planstrategi

Regional og kommunal planstrategi er innført som nye verktøy i plan- og bygningslova (pbl 2008). I samsvar med pbl § 10-1 skal kommunane pålagt å utarbeide ein kommunal planstrategi i kvar kommunestyreperiode, og seinast eitt år etter konstituering av nytt kommunestyret. Formålet er å klargjere kva planoppgåver kommunen bør starte opp eller vidareføre for å legge til rette for ei ønska utvikling i kommunen. Fylkestinget skal i løpet av den same perioden vedta ein regional planstrategi som skal avklare dei regionale planbehova.

Fylkeskommunen bør i samarbeid med kommunane her legge opp til eit opplegg som sikrar samordning. Arbeidet med den kommunale planstrategien vil også kunne rette søkelys mot ei nærmere drøfting og avklaring av behovet for interkommunalt samarbeid.



Nasjonale forventningar

Viktige føringar for arbeidet med regional og kommunal planstrategi er forankra i *Nasjonale forventningar til regional og kommunal planlegging*, vedtatt av regjeringa 24.06.2011 <http://www.regjeringen.no/nb/dep/medier/dokumenter/veileder/2011/nasjonale-forventninger-til-regional-og-.html?id=649923> Forventningsdokumentet omfattar seks hovedtema:

- Klima og energi
- By- og tettstadutvikling
- Samferdsel og infrastruktur
- Verdiskapning og næringsutvikling
- Natur, kulturmiljø og landskap
- Helse, livskvalitet og oppvekstmiljø

Eit viktig prinsipp i den nye plan- og bygningslova (pbl 2008) er ei sterkare kopling mellom samfunnsdelen og arealdelen i kommuneplanen. Kommuneplanens samfunnsdel vil med

utgangspunkt i den kommunale planstrategien gi overordna mål og føringar for utvikling av kommunen som samfunn og organisasjon. Dette dannar utgangspunkt for arealdelen som i neste omgang gir retning og rammer for den vidare fysiske detaljplanlegginga gjennom område- eller detaljregulering. Kommuneplanen vil også etter behov gi grunnlag for utarbeiding av kommunedelplanar for bestemte område, tema eller verksemdsområde i kommunen. Kommuneplanarbeidet heng også tett saman med andre planprosessar, styringssystem og rapporteringsverktøy i kommunen. Kommuneplanen skal ha ein handlingsdel som viser korleis planen vidare skal følgjast opp i løpet av neste fire-årsperiode, eller meir, og skal gjennomgå ein årleg revisjon. Økonomiplanen etter kommunelova sin §44 kan inngå i handlingsdelen. Utfordringa for mange kommunar er å utvikle kommuneplansystemet til eit integrert og heilskapleg styringsverktøy for administrative og politiske vurderingar og prioriteringar. Arbeidet med den kommunale planstrategien vil her kunne inngå som eit viktig grep.

Gjennom arbeidet med kommunale planstrategiar ser vi også at kommunane i sterkare grad har retta sørkelyset mot ei meir systematisk, tverrsektoriell og langsiktig planleggingstenking. Dette ser vi m.a. i forhold til tema som *folkehelse* og *levekår*. Med den nye Folkehelselova og med Samhandlingsreforma har kommunane m.a. fått eit større ansvar knytt til førebyggande folkehelsearbeid. Folkehelse og levekår vil slik kunne løftast opp og inngå som eit gjennomgående perspektiv i den kommunale planlegginga.

Fylkesmannen sine fokusområde:

Kommunal planlegging som verktøy og rammeverk

- Kommuneplansystemet etter plan- og bygningslova
- Nasjonale og regionale føringer
- Kommunal planstrategi
- Kommuneplan med samfunnsdel og arealdel

Aktuelle temaområde for høyringsuttale frå Fylkesmannen i kommunale plansaker

- Planfaglege merknader; prosess og produkt
- Natur- og miljøvern; landskap, friluftsliv, strandsone, viltinteresser, vegetasjon
- Landbruk; jordvern, skogbruk, aktivt landbruk
- Samfunnstryggleik; ROS-analyse
- Barn og unge; Oppvekstmiljø, leikeplassar, trafikksikring
- Universell utforming; tilrettelegging, inkludering, deltaking
- Folkehelse; levekår, nærmiljø

Fylkesmannen har eit særleg ansvar for at nasjonal politikk blir formidla og følgd opp i behandling av kommunale og regionale planar

- legge auka vekt på rettleiing og tidleg medverknad i planarbeidet
- formidle tidleg og aktivt dei nasjonale forventningane og nasjonal politikk i den regionale og kommunale planlegginga

Motsegn skal om nødvendig brukast for å sikre at kommunane ikkje vedtar planar i strid med nasjonale og regionale interesser og for å få fram gode løysingar.

Fylkesmannen sitt bilde av kommunen:

Status for gjeldande overordna planar:

- Herøy kommune har utarbeidd kommunal planstrategi for 2012 – 2016. Fylkesmannen har hatt denne på høyring; jf. FM-sak 12/6723.
- Kommuneplan for Herøy samfunnsdel 2013 - 2025 vart vedtatt av kommunestyret i oktober 2013. Planen avløyste tidlegare plan frå 2001.
- Kommuneplan for Herøy arealdel 2013 – 2025 vart vedtatt i oktober 2014 etter ein lang og omfattande planprosess; jf. FM-sak 11/4679. Punkt i planføresegnerene om nauststorleik er unnateke rettsverknad i påvente vedtak i departementet. For nærmere presentasjon av kommuneplanen; sjå <http://www.heroy.kommune.no/kommuneplan-2013-2025.aspx>
- Kommunen har utarbeidd fleire kommunedelplanar i form av temaplanar, områdeplanar eller sektorplanar;
 - Planstrategien inneheld skisse til opplegg for revisjon/rullering av desse
 - Klimaplan for Herøy 2009 – 2013 vart vedtatt i 2010 (i samarbeid med 8 andre nabokommunar og som ein del av det s.k. Klimaplanprosjektet under leiing av Møreforsking/Høgskulen i Volda).
- Med unntak av kommuneplanens samfunns- og arealdel er andre kommunale plandokument i liten/avgrensa grad er tilgjengeleg på kommunens heimeside.
- Fylkesmannens planstatistikk for 2014 viser at Herøy kommune har stor aktivitet på plansida; 6 kommune(del-)plansaker på høyring i løpet av året og 22 saker knytt til reguleringsplan. Kommunen plasserer seg også heilt i øvre del av statistikken for dispensasjonssøknader med heile 47 saker knytt til søknad om dispensasjon frå kommune- og reguleringsplan.

Dialogpunkt

- Korleis arbeider kommunen med oppfølging av sin planstrategi?
- Kva er status for oppfølging av gjeldande klimaplan?
- Korleis vurderer kommunen status og utfordringar i forhold til eigen kompetanse og kapasitet på planområdet?
- Nettstaden www.planlegging.no og www.miljokommune.no inneheld rettleiing for kommunane på planområdet. Nyttar kommunen desse nettstadene aktivt?

2.3 Folkehelse



God samfunnsutvikling er ein viktig føresetnad for god folkehelse.

Nasjonale og regionale rammer og føringer har løfta fram folkehelse som eit prioritert satsingsområde. Folkehelselova (Lov om folkehelsearbeid) definerer folkehelsearbeid som samfunnet sin innsats for å påverke faktorar som direkte eller indirekte fremmar helse og trivsel i befolkninga, førebygger psykisk og somatisk sjukdom, skade eller liding, eller som beskyttar mot helsetruslar. Dette omfattar også arbeid for ei jamnare fordeling av faktorar som direkte eller indirekte påverkar helsa.

Folkehelselova skal sikre at kommunar, fylkeskommunar og statlege helsestyresmakter set i verk tiltak og samordnar sin aktivitet i folkehelsearbeidet på ei forsvarleg måte. Lova skal legge til rette for eit langsiktig og systematisk folkehelsearbeid. Organisatorisk vil det her vere viktig at folkehelsearbeidet blir forankra i ordinære regionale og kommunale plan- og styringsdokument

Målet med folkehelsearbeidet er fleire leveår med god helse for den einskilde og reduserte sosiale helseforskjellar i befolkninga. Folkehelsearbeid omfattar ei rekke ulike tema og innsatsområde. Dette stiller krav om ei brei tverrfagleg og tverrsektoriell tilnærming.

God samfunnsutvikling er ein viktig føresetnad for god folkehelse. Ei rekke forhold i samfunnet påverkar folkehelsa, som bustad, arbeid, utdanning, samt fysiske og sosiale

miljøforhold. Gjennom breidda i kommunen sine ansvarsområde spelar kommunesektoren ei sentral rolle i innsatsen for å fremme helsetilstanden i befolkninga. Kommunane og fylkeskommunane har ei viktig oppgåve for å oppfylle folkehelselova og til å nå måla i folkehelsemeldinga; jf. Meld. St. 34 (2012-2013).

Møre og Romsdal fylkeskommune har utarbeidd *Regional delplan for folkehelse 2014 – 2017*. Planen vil vere eit viktig grunnlag for det samla arbeidet med folkehelse i Møre og Romsdal i regi av og i samarbeid mellom regionale og kommunale styresmakter, institusjonar, organisasjonar og næringsliv. Planen er m.a. forankra i *Lov om folkehelsearbeid* og i *Plan- og bygningslova*. Viktige rammer og føringar for planarbeidet er elles lagt i arbeidet med *Regional planstrategi 2012 – 2016* og *Fylkesplan 2013 - 2016*. Gjennom arbeidet med ein eigen regional delplan for folkehelse, vil det systematiske og samla folkehelsearbeid i Møre og Romsdal få ei viktig forankring. For folkehelsearbeidet rundt om i kommunane vil dette utgjere ein viktig referanse.

Fylkesmannen sine fokusområde:

Folkehelsearbeid kan forankrast i fem hovudprinsipp: *utjamning, helse i alt vi gjer, berekraftig utvikling, føre-var-prinsippet og medverknad*.

- **Utjamning:** Helse er ulikt fordelt mellom sosiale grupper i befolkninga, og det er mange faktorar som bidreg til å skape og oppretthalde slike forskjellar. Samanhengande er komplekse, men vi kan slå fast at det i hovudsak er sosiale vilkår som verkar inn på helse og ikkje omvendt. Prinsippet med utjamning har konsekvensar for politikkutforming på alle nivå. Det inneber at innsatsen bør rettast inn mot faktorar som ligg bak, som verkar inn på helse og sosiale forskjellar i helse, og mot å leggje til rette for at alle skal ha moglegheit til å ta gode val. Det må vere ein kombinasjon av universelle ordningar og målretta tiltak mot spesielle grupper.
- **Helse i alt vi gjer:** Erkjenninga av helse i alt vi gjer er kjernen i folkehelsearbeidet. Prinsippet skal bidra til at helsa til folket blir sikra på tvers av sektorane. Det er kommunen og ikkje helsetenesta som har ansvar. Det inneber for eksempel at utdanningssektoren, samferdselssektoren og kultursektoren og har ansvar for å vurdere og ta omsyn til kva konsekvensar endringar i politikken kan ha for helsa i befolkninga.
- **Berekraftig utvikling:** Ei berekraftig utvikling inneber å tilfredstille dagens behov utan at ein set behova til framtidige generasjonar på spel. Ei befolkning med god helse er eit mål i seg sjølv og ein av dei viktigaste ressursane i samfunnet.

- **Føre-var-prinsippet:** Føre-var-prinsippet skal leggjast til grunn når ein fastset normer og standardar for godt folkehelsearbeid. Det gjeld både tiltak for å redusere risiko og tiltak for å fremje helse. Føre-var-prinsippet er òg lovfesta gjennom folkehelselova.
- **Medverknad:** Gjennom retten til ytringsfridom er retten til medverknad nedfelt i Barnekonvensjonen, Menneskerettserklæringa og i Grunnlova. Og Folkehelselova knyt folkehelsearbeidet i kommunane til føresegne om medverknad i plan og bygningslova. På den måten bidreg folkehelselova til å rettsleg gjere kravet om medverknad. Det er og sentralt å involvere frivillige organisasjonar for å sikre medverknad i folkehelsearbeidet.

I forhold til kommunalt plan- og utviklingsarbeid vil folkehelse vere eit viktig tema. Av dette ser vi m.a. at :

- Nasjonale forventningar til regional og kommunal planlegging framhevar helse, livskvalitet og oppvekstmiljø som eit særleg satsingsområde
- Folkehelse skal inngå som grunnlag i arbeidet med kommunal planstrategi
- Planlegging etter plan- og bygningslova er ein viktig del av kommunens folkehelsearbeid
- Det skal utarbeidast oversikt over helsetilstand og dei positive og negative faktorar som verkar inn på helsetilstanden i befolkninga.

Fylkesmannen gjennomførte hausten 2014 etter oppdrag frå Statens helsetilsyn arbeid med tilsyn med kommunane sitt folkehelsearbeid. Tema for tilsynet var retta mot kommunane sitt arbeid med å halde løpende oversikt over helsetilstanden til innbyggjarane og dei positive og negative faktorane som kan påverke denne.

Dette første landsomfattande tilsynet med kommunane sitt folkehelsearbeid har følgjande innretning:

- Lovlegkontroll: Fylkesmannen undersøkjer om kommunen har kome i gang med eit løpende oversiktsarbeid. Der Fylkesmannen konkluderer med avvik, vert kommunen følgd opp til forholda er retta.
- Rettleiande vurdering av kommunen sitt løpende oversiktsarbeid: I kommunar der Fylkesmannen konkluderer med at eit løpende oversiktsarbeid har kome i gang, skal dette arbeidet kartleggjast. Fylkesmannen gir kommunen ei tilbakemelding i form av ei rettleiande vurdering av status. Kommunane står fritt i høve til om, og i kva grad, dei følgjer opp denne vurderinga.

Fylkesmannen sitt bilde av kommunen:

Folkehelseprofil for Herøy viser at talet på eldre over 80 år i 2020 er estimert til å vere på høgare enn i landet som heilhet.

For tema helse og sjukdom er det plager og sjukdom knytt til muskel- og skelettsystem som ser ut til å vere meir utbreidd enn for landet heilhet, vurdert etter data frå fastlege og legevakt. I tillegg er det hjerte- og karsjukdom som der vi med høg grad av sikkerheit kan seie at kommunen ligg därlegare an enn landet. (målt i 2010-2012, aldersgruppa 0-74 år, sjukdom knytt til hjerte- og karsystemet, som brukarar av fastlege, legevakt og behandla i sjukehus). Det er lite statistikk på levevanar. For tema innan levevaner, som røyking og overvekt, er det overvekt som ser ut til å vere meir utbreidd enn i landet som heilheit. (målt i 2003-2009 KMI over 25 kg/m², av menn på sesjon).

- Kommunen er med i partnarskap for folkehelse med fylkeskommunen
- Kommunen har tilsett folkehelsekoordinator

Fråfall i vidaregåande skole år 2010- 2012 (Kjelde: folkehelseprofil 2014)			
Herøy	Møre og Romsdal	Norge	
21	22	25	prosent

Fylkesmannen gjennomførte tilsyn med folkehelsearbeidet i kommunen 3-4.12.14. Tema for tilsynet var kommunen sitt arbeid med å halde løpende oversikt over helsetilstanden til innbyggjarane og dei positive og negative faktorane som kan virke inn på denne.

Vi viser til rapporten frå tilsynet som er tilgjengeleg på

<https://www.helsetilsynet.no/no/Tilsyn/Tilsynsrapporter/More-Romsdal/2014/Heroy-kommune-folkehelsearbeid-2014/>

Nokre funn med vurderingar frå tilsynet:

Folkehelsekoordinator har ein sentral plassering i kommuneadministrasjonen og deltek i ulike grupper og fora. Det sikrar at folkehelseperspektivet er forankra og representert i kommunens arbeid. Folkehelse er forankra i kommunale planar og styringsdokument. Herøy kommune har revidert kommuneplanens samfunnsdel, og Fylkesmannen ser at kommunen følgjer nasjonale og regionale føringer ved å la folkehelse vere eit gjennomgåande perspektiv.

Kommunens arbeid med det løpende oversiktarbeidet er i startfasa. Løpende oversikt over helse og påverknadsfaktorar er ein føresetnad for å skildre folkehelseutfordringar og ressursar, og naudsynt for å planlegge og gjennomføre tiltak. Fylkesmannen ser at avdelingane i kommunen, gjennom ulike undersøkingar og ut frå fagleg skjønnsmessige vurderingar, har identifisert utfordringar knytt til deira område. Til dømes er overvekt for alle aldersgrupper og psykisk helse blant ungdommen nemnt som utfordringar frå dei tilsette.

Fylkesmannen tilrår kommunen å vere tydelegare på kva som er overordna satsingsområde i det kommunale folkehelsearbeidet, slik at tiltak og tilbod heng saman med overordna strategi. Fylkesmannen anbefaler også at kommunen jobbar vidare med kva som er *positive* og *negative* påverknadsfaktorar når det gjeld folkehelse. Oversikt over helse og påverknadsfaktorar er ei føresetnad for å fastsette både kortsiktige og langsiktige utfordringar for det vidare systematiske folkehelsearbeidet. I det vidare arbeid bør kommunen systematisere og organisere informasjonen som allereie finns og bestemme kva for informasjonskjelder (nasjonal statistikk og/eller lokale data) som skal ligge til grunn for det løpende oversiktsarbeid.

Dialogpunkt

- Korleis kan Fylkesmannen vere ein viktig medspelar i det kommunale folkehelsearbeidet?
- Korleis arbeider Herøy kommune med identifisering og oversikt av helsetilstand i kommunen?
- Kva mål og strategiar har Herøy kommune for folkehelsearbeidet?

2.4 Betre oppvekst – felles innsats for barn og unge



UKM-deltakarar 2015 frå Herøy

Tilrettelegging av gode oppvekst- og nærmiljø, og med særleg søkelys retta mot barn og unge sine interesser, skal inngå som eit viktig tema i samfunnsplanlegginga – både nasjonalt, regionalt og lokalt. Vi har sidan 1989 hatt eigne rikspolitiske retningslinjer for å styrke barn og unge sine interesser i planlegginga. Omsynet til barn og unge sine oppvekstvilkår er også løfta fram i formålsparagrafen i plan- og bygningslova (§1-1).

Korleis det er der barn veks opp er, kan avgjere den enkelte sine muligheter for ein trygg oppvekst, motorisk utvikling og ei god helse. Det vil og ha innverknad på det vaksne livet. Å skape gode møtestader, mulighet for fantasibasert leik, samvær og fysisk utfalding er ei av dei viktigaste oppgåvene samfunnet har. Gode fellesskapsløysingar er eit godt utgangspunkt for et inkluderande oppvekstmiljø.

I FN sin barnekonvensjon heiter det at "barn har rett til å seie si sin mening i alt som vedrører det og barnets meninger skal tillegges vekt" For at FNs barnekonvensjon vert følgd opp i praksis, må samfunnet legge til rette for deira deltaking og medverknad.

Fylkesmannen sine fokusområde:

Fylkesmannen i Møre og Romsdal har for perioden 2013 – 2016 sett barn og unge på dagsorden gjennom ei særskild satsing på tvers av fagavdelingane. Denne satsinga , kalla «Betre oppvekst» rettar sokelys på barn og unge sine oppvekstvilkår i Møre og Romsdal. Med barn og unge meiner vi alle mellom 0 og 20 år.

Hovudmål for satsinga er at barn og unge sine oppvekstvilkår skal bli vurdert i alle avgjersler og i all aktivitet hos Fylkesmannen i Møre og Romsdal. «Betre oppvekst» er eit samordningstiltak for heile embetet og ein vil at satsinga skal føre til at både direkte og indirekte arbeidet retta mot denne gruppa skal blir meir heilskapleg og målretta. I første fase har arbeidet vore retta internt i embetet. I neste fase vil arbeidet i større grad rette seg mot arbeid eksternt, til dømes kommunar, fylkeskommunen og andre samarbeidspartar.

Det er utarbeidd fire strategimål som satsinga «Betre oppvekst» skal bygge vidare på. For å kome fram til dei fire strategimåla har vi tatt utgangspunkt i mellom anna FN sin barnekonvensjon, Fylkesmannen i Møre og Romsdal sin strategiplan, embetsoppdraget og nasjonale føringer frå fleire departement. Dei fire måla er:

Fylkesmannen i Møre og Romsdal skal arbeide for å

- sikre medverknad frå barn og unge
- betre det fysiske oppvekstmiljøet for barn og unge
- betre det psykososiale oppvekstmiljøet for barn og unge
- redusere dei negative konsekvensane av sosiale skilnader

Som eit ledd i satsinga vil vi i 2015, i samarbeid med Møre og Romsdal fylkeskommune, kartleggje kommunane sitt tenestetilbod til barn og unge. Kartlegginga er etter modell frå Fylkesmannen i Troms si satsing *Sjumilssteget*. Vi vil sjå på tenestetilbodet i lys av barnekonvensjonens heilskaplege tenking om barn og unge sine oppvekstvilkår.



Fylkesmannen sitt bilde av kommunen:

Sosiale skilnader er eit aukande samfunnsproblem som har stor innverknad på barn og unge. Folkehelsestatistikken viser at Herøy kommune ligg positivt på fleire indikatorar som er risikofaktorar for barn og unge sine oppvekstvilkår. Talet på barn og unge som bur i husstandar med låg inntekt er ligg under landsnivået. (Låginntekt er her definert som under 60 % av nasjonal medianinntekt) Likeeins er talet på barn med einsleg forsørgjar lågare enn landsnivået. innvandrarpopulasjonen ligg under landsgjennomsnittet men litt over gjennomsnittet for fylket. Begge desse gruppene er statistisk sårbare for barnefattigdom og med det sosiale skilnader. Gjennomføring i vidaregåande skole er og eit element

som skaper sosiale skilnader. Også her scorar Herøy bra. Fråfall i vidaregåande skole er lågare enn elles i landet. Litt færre i Herøy har høgare utdanning enn resten av landet. Utdanning er ein indikator som påverkar livkvalitet og helse. Dei med låg utdanning har statistisk mellom anna fleire helseproblem og større utfordringar på fleire livsområder. Vi veit at sosiale skilnader verker inn på barn og unge sine oppvekstvilkår på ein negativ måte og at slike skilnader ofte går i arv. Derfor er det viktig å arbeid for utjamne desse.

«Ungdata» er ei spørjeskjemaundersøking blant elevar på ungdomstrinnet og i vidaregåande opplæring som kommunane kan bestile gratis gjennom KoRus. Ei slik kartlegging av den lokale oppvekstsituasjonen gir eit godt grunnlag for kommunalt plan- og utviklingsarbeid knytt til folkehelse og førebyggande arbeid overfor ungdom. Herøy kommune har gjennomført «Ungdata»-kartlegginga i ungdomsskolen og i vidaregåande skole. Resultata viser at ungdom i ungdomsskolen i Herøy stort sett er fornøgde. Dei scorar betre på så seie alle område enn landsgjennomsnittet. På nokre område skil kommunen seg mykje ut. Ungdomskoleelevar i Herøy gjer litt meir lekser, trenar litt mindre, shoppar mindre på den eine sida, men fleire meiner dei kan skaffe hasj samanlikna med nasjonale tal. På spørsmål

om dei trur dei vil bli arbeidsledige svarar svært få ja på det, berre tre prosent. Litt fleire trur dei vil ta høgare utdanning enn i resten av landet. Bildet endrar seg drastisk for ungdom i vidaregåande skole. Då ligg svara på det jamna under nasjonale tal, og viser at eldre ungdom i Herøy ikkje er fullt så nøgde med situasjonen sin. Det mest markante vi ser av tala er at langt færre no trur dei vil ta høgare utdanning og fleir trur dei vil bli arbeidsledige. Talet på dei som kjenner seg mobba stig kraftig.

Kommunen sin samfunnsplan har eit tydeleg barn og unge-perspektiv. Det skal være eit gjennomgåande perspektiv for kommunen. Barn, unge og identitetsbygging er eit av fem satsingsområde. Planen viser tydeleg at kommunen vi satse på gode oppvekstvilkår for å få ungdommen til å komme tilbake. Den er og ein strategi å inkludere innflyttarar, spesielt framandspråklege og deira familiar.

Herøy kommune har eit aktivt ungdomsråd. I fjor vart kommunen kåra til «Årets ungdomskommune» av Ungdommens Fylkesting. Prisen går til kommunar som har lagt spesielt til rette for medverknad for ungdom, har etablert gode møteplasser og har eit allsidig fritidstilbod.

Dialogpunkt

- Korleis kan Herøy kommune legge til rette for at barn og unge får ein tydelegare plass og mulighet til medverknad i det utvikling av lokalsamfunnet?
- Kva slags strategiar har kommunen for å fange opp og inkludere sårbare barn, unge og barnefamiliar med sosioøkonomiske vanskar eller minoritetsbakgrunn, som kan stå i fare for å falle utanfor i lokalsamfunnet?

2.5 Kommuneøkonomi og økonomistyring



Herøy kommune har ikke inntekter fra eigedomsskatt.

Fylkesmannen skal gi kommunane råd og rettleiing i økonomiforvaltninga, blant anna i regelverk, inntektssystem og statsbudsjettet. Fylkesmannen tildeler kvart år skjønnsmidlar for å kompensere forhold som ikkje blir fanga opp i inntektssystemet. Fylkesmannen tildeler også skjønnsmidlar til omstillings- og fornyingsprosjekt. Fylkesmannen fører kontroll med kommunen sine budsjett, økonomiplan og regnskap, blant anna med omsyn til inn- og utmelding av ROBEK.

Fylkesmannen sine fokusområde:

Økonomisk status:

- Overskot/Underskot
- Brutto driftsresultat
- Finans og lånegjeld
- Netto driftsresultat og økonomisk buffer

Fylkesmannen sitt bilde av kommunen:

Overskot/Underskot:

- Herøy kommune har ikkje underskot pr 1.1.2014, men har signalisert at rekneskapen for 2014 vil vise meirforbruk.

Driftsresultat:

- Herøy kommune har dei siste åra hatt slik utvikling i brutto driftsresultat i pst av brutto driftsinntekter: 5,1 pst i 2011, 2,9 pst i 2012 og -6,2 pst i 2013. Gjennomsnittet for fylket var på 2,4 pst i 2013.

Finans og lånegjeld:

- Netto lånegjeld i pst av brutto driftsinntekter har auka dei siste tre åra, frå 84,6 pst i 2011 til 85,0 pst i 2013. Til samanlikning ligg snittet for Noreg utan Oslo på 75,9 pst i 2013.
- Herøy kommune sine netto renter og avdrag utgjorde 5,3 pst av brutto driftsinntekter i 2013.
- Alle kommunar skal i kvar kommunestyreperiode vedta eit nytt finansreglement. Herøy kommune vedtok finansreglementet sist 24. oktober 2013.

Netto driftsresultat og økonomiske bufferar:

- For dei siste åra er tilrådinga at netto driftsresultat utgjer minst 3 pst av brutto driftsinntekt for at kommunen si formue skal bli opprettholdt. Netto driftsresultat er hovudindikatoren for handlingsrommet til kommunen. I 2013 hadde Herøy kommune eit netto driftsresultat på -6,2 pst. (2,9 pst i 2012 og 5,1 pst i 2011). Bruk og avsetning til bundne fond er ei av forklaringane for svinginga i netto driftsresultat dei siste åra.
- Herøy kommune har oppsparte midlar på disposisjonsfond på nærmere 17 millionar kroner (konsern).
- Herøy kommune har ikkje innført eigedomsskatt, men det ligg inne i økonomiplanen frå og med 2018.

Dialogpunkt

- Kva for utgangspunkt har kommunen for å løyse utfordringane på bakgrunn av rekneskapsresultata for 2014?
- Herøy planlegg fleire store investeringar i budsjett og økonomiplan. Har Herøy ein driftsbalanse som taklar høgare finansutgifter?

2.6 Kommunereforma

Regjeringa vil styrke lokaldemokratiet og gjennomfører ei kommunereform. Målet er større, meir robuste kommunar med meir makt og mynde.

Alle landets kommunar er inviterte til å delta i prosessar med sikte på å vurdere og å avklare om det er aktuelt å slå seg saman med nabokommunar. Fylkesmannen, i samarbeid med KS, bidreg til å gjennomføre dei regionale prosessane.

Kommunereforma skal leggje til rette for at fleire kommunar slår seg saman. Færre og større kommunar skal gi betre kapasitet til å ivareta og vidareutvikle lovpålagde oppgåver, gi betre høve til å utvikle berekraftige og gode lokalsamfunn, og dessutan ivareta viktige frivillige oppgåver. Som eit generelt prinsipp skal reforma leggje grunnlaget for at alle kommunar kan løyse dei lovpålagde oppgåvene sine sjølve.

Regjeringa tek sikte på å leggje fram eit samla forslag om kva oppgåver som kan overførast til større og meir robuste kommunar våren 2015. Stortinget vil dermed ha behandla forslaget om nye oppgåver til kommunane før kommunane skal gjere sine lokale vedtak. Målet er deretter å leggje fram ein samla lovproposisjon om nye oppgåver til kommunane våren 2017, samtidig med ein proposisjon om ny kommunestruktur.

Hovudmåla i reforma:


- Eit sterkt lokaldemokrati.
- At kommunar slår seg saman til større, robuste einingar som samsvarar betre med dei naturlege bu- og arbeidsmarknadsregionane som har utvikla seg over tid.
- Generalistkommunen tilbake. Alle kommunar skal kunne løyse sine lovpålagde oppgåver sjølve. Gode og likeverdige tenester. Berekraftige kommunar.
- Mindre behov for interkommunale løysingar og statleg detaljstyring. Heilskapleg og samordna samfunnsutvikling.

Bo- og arbeidsmarkedsregioner

(kfr. NIBR-rapport 2013:1)



Den nasjonale framdriftsplanen for kommunereforma



Regjeringa ønskjer at Fylkesmannen skal ha ei sentral rolle i gjennomføringa av reforma, og ser det som ønskjeleg at Fylkesmannen samarbeider med KS regionalt om gjennomføringa. Fleirtalet i kommunal- og forvaltningskomiteen uttrykker i Innst. 300 S (2013-2014) at dei er positive til at Fylkesmennene og KS får viktige roller i reforma. Det er eit mål å sørge for gode og lokalt forankra prosessar.

Fylkesmannen sitt bilde av kommunen:

- Herøy kommune er medlem i Sunnmøre regionråd. Sunnmøre regionråd IKS (SR) er regionråd og samarbeidsorgan for 19 kommunar på Sunnmøre og i Romsdal. Sunnmøre regionråd er organisert som interkommunalt selskap (IKS).

Dialogpunkt

- Kor langt har kommunen kome i arbeidet med å starte opp og forankre prosessen med kommunereforma ?
- Når kommunen våren 2016 skal sjå to år tilbake på ein lokalt godt forankra prosess. Kva for tiltak og aktivitetar har vore gjennomført då ?

Kap. 3 – Justis- og beredskap

- Generelt om status, utviklingstrekk og utfordringar på fagområdet
- Samfunnstryggleik og beredskap
- Klagesaker etter plan- og bygningslova
- Verjemål

3.1 Generelt om status, utviklingstrekk og utfordringar på fagområdet

Fylkesmannen er det sentrale samordningsorganet overfor kommunane på regionalt nivå. Fylkesmannen har ansvar for å medverke med kunnskap om bruk av lover og gi rettleiing om generell saksbehandling i kommunane. I Fylkesmannen si formidling av statleg politikk overfor kommunane skal det gjerast nærmere greie for om oppgåvene er lovpålagde eller om dei er av rådgivande eller rettleiande karakter.



Fylkesberedskapsjef Ketil Matvik Foldal

3.2 Samfunnstryggleik og beredskap

Kommunane har eit generelt og grunnleggande ansvar for å ivareta tryggleiken til eigne innbyggjarar og andre som oppheld seg i kommunen. Alle uønskte hendingar skjer i ein kommune, og kommunane har ei vesentleg rolle i alt beredskapsarbeid.

Fylkesmannen sine fokusområde:

Kriser og katastrofar gir lokalsamfunnet utfordringar, og mange oppgåver er lagde til kommunane. Kommunane skal sikre god oversikt over risiko og sårbarheit, vere drivkraft for godt førebyggande arbeid og ha nødvendig beredskap og handteringsevne. Under kriser og katastrofar skal kommunen iverksette tiltak for å verne innbyggjarane og oppretthalde viktige samfunnsfunksjonar. God kommunal beredskap er ein grunnleggande føresetnad for god nasjonal beredskap.

I 2015 er Fylkesmannen særleg oppteken av at kommunane følgjer opp krava gitt i *Sivilbeskyttelseslova (2010)* og *Forskrift om kommunal beredskapsplikt (2011)*. For kommunar som ikkje har utarbeidd heilskapleg risiko- og sårbarheitsanalyse i samsvar med nye krav, bør dette arbeidet ha høgst prioritet.

Fylkesmannen sitt bilde av kommunen:

Fylkesmannen førte i november 2014 tilsyn med samfunnstryggleik- og beredskapsarbeidet i Herøy kommune. I tilsynsrapporten er det som hovudinntrykk slått fast at:

Både dokumentgjennomgangen og tilsynsbesøket viste at Herøy kommune er medviten om oppgåver og ansvar for samfunnstryggleik og beredskap. Dei fleste elementa i den kommunale beredskapsplikta er på plass, og kommunen og lokalsamfunnet har ved fleire høve vist god krisehandteringsevne og oppfølging hendingar.

På overordna nivå er kommunen sitt arbeid med samfunnstryggleik og beredskap godt forankra i kommuneplanen og planstrategien. Kommunen har gode ROS-analysar for kommuneplanen sin arealdel og brannvesenet, men manglar heilskapleg risiko- og sårbarheitsanalyse i samsvar med krava i forskrift om communal beredskapsplikt.

Den overordna beredskapsplanen er føremålstenleg, men har eit generelt behov for revisjon og oppfyller ikkje krava om samordning, integrering og oversikt over anna beredskapsplanverk i kommunen. Planen for befolkningsvarsling framstår som noko gamaldags og er ikkje heilt i samsvar med verken behova for varsling og dei tekniske moglegheitene kommunen faktisk har.

Fylkesmannen har eit generelt eit inntrykk av at ikkje alt heng i hop i dokumenta, og i måten beredskapen i kommunen er organisert. Det er behov for faste møteplassar for kriseleninga og beredskapsorganisasjonen elles. Potensial for eit styringsdokument som kan fungere som bindeledd mellom strategisk plannivå og beredskapsdokumentasjon, og som oversikt over korleis kommunen arbeider, og skal arbeide, med samfunnstryggleik og beredskap.

Kommunen har noko å gå på med omsyn til å få både beredskapsplanverket og beredskapsorganisasjonen til å henge betre i hop. Det er rom for å utvikle og bruke møteplassar som kan styrke samhandlinga, og det er potensial for å utarbeide eit styringsdokument som kan fungere som operativ overbygning, oversikt og ramme for kommunen sitt arbeid med samfunnstryggleik og beredskap – eit bindeledd mellom strategiske planar og ROS-analysar, beredskapsplanverk og aktivitet.


Dialogpunkt

- Kva er status for kommunen sitt arbeid med heilskapleg risiko- og sårbarheitsanalyse?

3.3 Klagesaker etter plan- og bygningslova

Kommunane er plan- og bygningsstyresmakt, og fattar vedtak både om godkjenning av reguleringsplan og byggesøknader. Dette inneber at kommunane både skal styre

arealbruken i eit lengre perspektiv, og ta stilling til enkeltsøknader om bygging.



Søknader om tiltak i strid med lov eller arealplan, er avhengig av dispensasjon. Plan- og bygningslova er ei «jálov». Dette inneber at ein må ha lovheimel for å avslå ein søknad.

Fylkesmannen er klageinstans for kommunane sine vedtak etter plan- og bygningslova. I klagebehandlinga er det fleire omsyn som skal vurderast. Omsynet til det kommunale sjølvstyret må vegast opp mot behovet for statlig styring. I tillegg må Fylkesmannen passe på rettstryggleiken både til naboar og tiltakshavar. For Fylkesmannen si klagebehandling er det viktig at saka er godt førebudd i kommunen, og at kommunen si grunngjeving går fram av vedtaket. Kommunen si vurdering av dei viktigaste rettsspørsmåla, er eit viktig grunnlag for Fylkesmannen si avgjerd av klagan.

Fylkesmannen sine fokusområde:

Fylkesmannen har ei tid hatt fokus på temaet ulovleg bygging. Dette er eit tema som vi ser får ulik merksemd ute i kommunane. Skal ein oppnå ønska respekt for regelverket, og kommunen si rolle som bygningsstyresmakt, er det viktig å ha høg merksemd på dette temaet. At kommunane har system for å avdekke og reagere på ulovleg bygging er sentralt i tilnærminga er derfor viktig for den allmenne tilliten til byggesaksprosessen. Fylkesmannen har også fokus på barn- og unge sitt oppvekstmiljø, og at kommunane tek omsyn til desse interessen i si saksbehandling. Tilgjenge for alle (universell utforming) er også eit område som skal takast i vare i saksbehandlinga etter plan- og bygningslova.

Fylkesmannen sitt bilde av kommunen:

Fylkesmannen har handsama 32 klager på byggesaker frå Herøy kommune i tidsrommet 2010 til d.d. En av klagene er handsama av Fylkesmannen i Sør-Trøndelag som settefylkesmann. Av dei 32 vedtaka er 23 stadfesta av Fylkesmannen. I 8 av sakene er klagan tatt til følge og kommunens vedtak vart endra eller oppheva. 1 sak vert avvist.

Der klager er tatt til følgje, er dette i det vesentlege på grunn av manglar knytt til det rettslege grunnlaget for kommunens avgjerd og kommunens rettsbruk. Sju av desse sakene var knytt til manglar ved kommunens dispensasjonshandsaming, i høve dei rettslege kriteria som er lagt til grunn i pbl. § 19-2 og grunngjevinga den føreset.

I same tidsrom har Fylkesmannen handsama 14 klage på reguleringsplan frå kommunen. 11 av dei vart stadfesta og 3 vart oppheva. To av desse sakene var knytt til manglar ved kommunen si oreigningsvurdering.

Ut frå det avgrensa talet på klagesaker har vi ikkje eit tilstrekkeleg grunnlag for å vurdere kommunens saksbehandling generelt. Men om ein ser på årsaka til at vedtak vart oppheva/endra i byggesakene kan dette tyde på at kommunen har ei utfording når det gjeld handsaming av dispensasjonssaker og grunngjeving av vedtak.

Dialogpunkt

- Kva for rutinar har kommunen for behandling av saker etter plan- og bygningslova?
- Kva for tilnærming har kommunen til å avdekke og reagere på ulovleg bygging etter plan og bygningslova ?

3.4 Vergemål

Ny vergemålslov blei vedtatt 11. mars 2010 og skal ivareta betre rettstryggleik og integritet for personar under vergemål. Lova gir Norge eit nytt regelverk på vergemålsområdet. Den nye vergemålslova vart sett i verk frå 1. juli 2013, saman med tilhøyrande forskrift og tilknytt endringar i andre lover. Etter den nye lova fungerer Fylkesmannen som lokal vergemålsmyndighet.

Kap. 4 - Miljøvern og arealforvaltning



Kommunen sine arealutfordringar knyter seg mellom anna til kartlegging av strandsona.

- Generelt om status, utviklingstrekk og utfordringar på fagområdet
- Forvaltning av arealressursane gjennom kommunal arealplanlegging
- Naturvern
- Forureining

Denne delen omhandlar Fylkesmannen sitt inntrykk av status og utfordringar for kommunen knytt til forvaltning av areal- og naturressursane i kommunen. Dette omfattar også oppgåver knytt til kommunal arealplanlegging etter plan- og bygningslova.

4.1 Generelt om status, utviklingstrekk og utfordringar på fagområdet

Fylkesmannen skal medverke til gjennomføring av den nasjonale miljøvernpolitikken.

Arbeidet er forankra i lover, forskrifter og retningsliner. Miljøverndepartementet og Miljødirektoratet er oppdragsgjevarar i dette arbeidet.

Kommunane står sentralt i miljøvernarbeidet. Rettleiing og oppfølging av kommunane er ei viktig oppgåve for Fylkesmannen. Vi samarbeider også nært med andre statlege styresmakter, fylkeskommunen og frivillige organisasjonar.

Fylkesmannen har ei viktig rolle for å medverke til ei berekraftig utvikling gjennom si oppgåve med å samordne ei rekke samfunnssektorar på regionalt nivå. Fylkesmannen har eit overordna miljøansvar, samtidig med eit eige resultatansvar på forureinings-, naturforvaltnings- og planområdet.

4.2 Forvaltning av arealressursane gjennom kommunal arealplanlegging

Fylkesmannen har eit særleg ansvar for at nasjonal politikk blir formidla og følgd opp i behandling av kommunale og regionale planar. Fylkesmannens oppgåver ved regional- og kommunal planlegging er sentrale verkemiddel for å gjennomføre regjeringa sin miljøpolitikk på ei rekke område. Det er lagt opp til ei tett kopling til overordna kommuneplanlegging (jf. nærmere omtale av dette i kap. 2.2)

Fylkesmannen sine fokusområde:

- Kommuneplansystemet etter plan- og bygningslova må brukast som eit aktivt styringsverktøy
- Kommunal planstrategi og Kommuneplan (samfunnsdel og arealdel) vil etter dette legge viktige føringer for vidare arbeid med områderegulering og detaljregulering
- På området Natur- og miljøvern vil søkerlyset m.a. vere knytt til tema som landskap, friluftsliv, strandsone, viltinteresser, vegetasjon.

Fylkesmannen sitt bilde av kommunen:

Kommunen sine arealutfordringar knyter seg m.a. til :

- Kartlegge strandsona med tanke på arealstatus med vekt på å finne eigna utbyggingsreal og område som ut frå ålmenne interesser bør skjermast mot utbygging.
- Lage plan for småbåthamner for å møte etterspurnaden etter båtplassar.

Dialogpunkt

- Fylkesmannen vil vere ein viktig medspelar i kommunale planprosessar og ønskjer tett dialog om kommunen sine arealutfordringar.

4.3 Naturvern

Naturvern har som mål å sikre truga artar og naturtypar, og å ta vare på eit representativt utsnitt av norsk natur for ettertida. Det er Stortinget og regjeringa som legg rammene for dette arbeidet.

Fylkesmannen sine fokusområde:

Nasjonalparkar, naturreservat og andre verneområde vert oppretta av Kongen i statsråd etter ein prosess, der grunneigarar, kommunar, fylkeskommunar, lokale og sentrale etatar og nærings- og interesseorganisasjonar får høve til å uttale seg. Fylkesmannen har ansvaret for prosessen i fylka, medan Miljødirektoratet har ansvaret for den sentrale prosessen. Heimelen til å opprette nye verneområde ligg i naturmangfaldlova.

Fylkesmannen sitt bilde av kommunen:

Det er 7 verneområde som ligg heilt eller delvis i Herøy kommune.

- Runde fuglefredingsområde (hekkande sjøfugl) – 3 delområde med ei sone med dyrelivsfreding rundt
- Stokksund-Blikkvågane fuglefredingsområde (våtmark)
- Myklebustvatnet naturreservat (våtmark)
- Goksøyrmyrane naturreservat (hekkande sjøfugl)
- Tjørvågosen naturreservat (elveos)
- Muleneset naturreservat (hekkande sjøfugl)
- Svinøya naturreservat (hekkande sjøfugl)

Utfordringane i verneområda i Herøy er store. Det er tilbakegang i hekkebestanden av fleire av dei viktigaste artane, og dette er særleg framtredande på Runde. Fleire av verneområda er i gjengroing med spreiing av framande treslag og andre uønska artar. Det nedre Myklebustvatnet har vorte seinka gjennom lekkasjar, og dette aukar også gjengroinga. Både Myklebustvatnet og Tjørvågosen er sterkt påverka av busetnad og annan infrastruktur i randsona.

På Goksøyrmyrane er det sterk slitasje pga. ferdsel i området. Det er positivt at folk opplever verneområda, og då må det leggjast betre til rette med informasjon og sikring av stisystema. Det er også ønskjeleg å utvikle eit naturinformasjonssenter på Runde.

Fylkesmannen har utarbeidd forvaltingsplanar for Runde, Goksøyrmyrane, Myklebustvatnet og Tjørvågosen. Dette vert vurdert som tilstrekkeleg.

Dialogpunkt

- Fylkesmannen og kommunen kan samarbeide om skjøtselstiltak for å hindre gjengroing i verneområda i Herøy ved koordinert verkemiddelbruk (landbruksmidlar og skjøtselsmidlar for verneområde).
- Samarbeid om tiltak i randsonene til verneområda. Vurdere aktuelle saker etter naturmangfaldlova § 49 (tiltak utanfor som kan påverke verneområda). Oppfølgjing av tömming av hageavfall, bortsetting av gjenstandar og avfall i verneområda, rydde avfall.
- Samarbeid om tiltak for å restaurere Myklebustvatnet.
- Utvikle informasjon og naturbasert reiseliv knytt til verneområda i Herøy.

4.4 Forureining

Fylkesmannen er forureiningsstyresmakt for

- landbasert industri, med unntak av dei verksemndene som Miljødirektoratet er forureiningsstyresmakt for
- alle avfallsanlegg, med unntak av behandlingsanlegg for farlig avfall og anlegg for opphogging av utrangerte offshoreinstallasjonar. Fylkesmannen skal også hente inn avfallsplanar frå hamner og drive tilsyn med dei
- lokalitetar med forureina grunn som kan knytast til verksemder og bransjar som er omfatta av delegerte saksområde.
- utslepp av kommunalt avløpsvatn frå større tettbebyggelse



Fylkesmannen kan gi løyve til verksemd som fører til forureining. Når Fylkesmannen gir slike løyve, må verksemda sikre tiltak for å minske ulempa for miljøet og andre.

Fylkesmannen sine fokusområde:

Kommunane har mykje mynde og mange plikter etter forureiningsregelverket.

Avløp:

Kommunen har ei rekke roller innan avløp, både som anleggseigar, forureinar og styresmakt.

God kontroll med avløpsvatn er viktig for å hindre sjukdomsspreiing og overgjødsling.

Avløpskontroll er i tillegg med på å sikre godt drikkevann, unngå forureining av jordvatningsanlegg, og gi gode moglegheiter for rekreasjon som fiske og bading. Det er viktig med oppdaterte kommunale avløpsplanar, som òg inkluderer behandling av overvatn.

For verksemder der Fylkesmannen er *forureiningsstyremakt* er det viktig med god dialog mellom Fylkesmannen og kommunen i samband med påslepp av prosessvatn til kommunalt avløpsanlegg.

Forureina grunn:

Kommunen er forureiningsstyremakt når det gjeld opprydding i forureina grunn i samband med bygge- og gravearbeid, jf. kapittel 2 i *Forurensningsforskrifta*. Kommunen skal legge inn data frå bygge- og gravesaker i databasen *Grunnforurensning*. Fylkesmannen skal gi rettleiing og vere ein pådrivar for at kommunen rapporterer i databasen.

Databasen Grunnforureining viser eigedomar der det er registrert forureining i grunnen, eller ein har grunn til å mistenke forureining i grunnen. Kommunen har plikt til å registrere opplysningar i denne databasen, og skal rapportere elektronisk rett i databasen.

Mistanke om forureina grunn må hensyntakast ved behov for terrengeinngrep i grunnen. Eit terrengeinngrep i forureina grunn aukar risikoen for at menneske blir eksponert for forureining. Inngrepet aukar òg risikoen for at ureininga spreier seg i miljøet. Dersom det ikkje vert rydda i forureininga før det vert bygd og fylt ut på ei tomt, kan det vere mykje vanskelegare å rydde opp på tomta seinare.

Avfall - forsøpling:

Kommunen er forureiningsstyremakt for oppfølging av forsøplingssaker og saker om ulovlig lagring av brukte gjenstandar.

Dersom kommunen mottar meldingar, munnleg eller skriftleg, der nokon ber kommunen følgje opp ein forsøplingssak og kommunen vel å ikkje følgje opp saka, er denne slutninga å betrakte som eit enkeltvedtak som kan påklagast. Dette følgjer av forurensningslova § 37 tredje ledd om pålegg om å rydde opp i avfall og liknande eller betale for opprydding.

Gode system for avfallshandtering er viktig for å hindre at avfall blir skjemmande, medfører helse- eller luktproblem eller andre forureiningsulemper. Avfall kan innehalde mykje miljøgifter som spreias i naturen og som koncentreras opp i næringskjedene om avfallet kjem på avvege eller blir brent utan kontroll. Avfall på avvege kan òg føre til skader på dyr.

Fylkesmannen sitt bilde av kommunen:

Avløp:

Kommunen bør halde fram med å prioritere å jobbe med avløp, både som anleggseigar, forureinar og som forureiningsmyndighet. Det er ikkje lovleg med direkte utslepp av avløpsvatn. Fylkesmannen vil elles rá kommunen til å delta på aktuelle seminar i regi av Norsk Vann og driftsassistansen i Møre og Romsdal.

Forureina grunn:

Det er viktig at kommunen har oversikt over område med, eller med mistanke om, forureina grunn. Databasen «*Grunnforurensning*» (<http://grunn.miljodirektoratet.no/>) er eit viktig hjelpemiddel i dette arbeidet.

I Herøy kommune er det registrert fem lokalitetar i databasen. Ingen av desse er registrert inn av kommunen. Vi reknar det som sannsynleg at det finns fleire stader med mistanke om grunnforureining i kommunen. Nedgravne oljetankar, bensinstasjonar, gamle bålpassar og avfallspassar er døme på slike stader som bør registrerast av kommunen.

Kommunen har plikt til å ha oversikt over område som kan vere forureina og kan ikkje gi byggeløyve for graving på slike stader før saka er handsama etter kapittel 2 i forureiningslova.

Avfall-forsøpling:

Kommunen er myndigkeit i forsøplingssaker. Det er mykje hjelp å hente i saksbehandlingsverktøyet www.miljokommune.no på dette området. Forureiningsgruppa ved Fylkesmannens miljøvernnavdeling kan i tillegg vere med å rettleie kommunen, og vi vil at grensa for å ta kontakt med oss skal vere låg.

Fylkesmannen vil rá kommunen til å delta på seminar i regi av Avfallsforum Møre og Romsdal.

Dialogpunkt

- Har kommunen oversikt over sine plikter som forureiningsmyndigkeit, og har kommunen nok ressursar til å utøve den?
- Nettstaden www.miljokommune.no inneheld rettleiing for kommunen på miljøområdet. Nyttar kommunen nettstaden aktivt?

Kap 5 – Landbruk



Kulturlandskap frå Runde.

- Generelt om status, utviklingstrekk og utfordringar på fagområdet
- Landbruk og bygdeutvikling
- Forvaltningsoppgåver på landbruksområdet

Fylkesmannen har ansvar for oppfølging av nasjonal landbruks- og matpolitikk både regionalt og lokalt, og har både utviklings- og forvaltningsoppgåver på landbruks- og matområdet. Fylkesmannen skal skape møteplassar for erfaringsutveksling og formidling av forventningar mellom Fylkesmannen, fylkeskommunen, Innovasjon Norge, kommunane og andre aktuelle regionale aktørar.

Fylkesmannen er eit kompetansesenter generelt og for kommunane spesielt. Vidareutvikling og styrking av kommunane si rolle som landbrukspolitiske aktør og som pådrivar innan landbruksrelatert klimaarbeid og nærings- og samfunnsutvikling er sentrale område.

Gjennom oppfølging, rettleiing og kompetanseheving skal Fylkesmannen også bidra til at kommunane har god forvaltningspraksis på landbruks- og matområdet.

Fylkesmannen sine forvaltningsoppgåver knyter seg til økonomiske og juridiske virkemidlar innan jordbruk og skogbruk. Fylkesmannen har det regionale ansvaret for at tilskot på landbruksområdet vert forvalta og kontrollert i samsvar med overordna føresetnader og i høve til gjeldande lover og reglar.

Fylkesmannen samarbeider med ei rekke andre organisasjoner, fylkeskommunen og kommunane. Næringsutvikling med basis i jordbruk, skogbruk og tilknytte næringer er sentrale samarbeidsområde. Fylkesmannen i Møre og Romsdal samarbeider med Møre og Romsdal fylkeskommune, Innovasjon Norge og kommunane om hoppid.no – ei felles satsing på entreprenørskap.

Kommunane er vedtaksmyndighet knytt til juridiske og økonomiske virkemidlar, og innstillande myndighet knytt til bygdeutviklingsmidlane.

5.1 Generelt om status, utviklingstrekk og utfordringar på fagområdet

Fylkesmannen sine fokusområde:

Landbruksmelding for Møre og Romsdal vart vedteke i fylkestinget den 12.12.2012. Her vert det peika på fem viktige utfordringar for landbruket i Møre og Romsdal:

- Utvikle grovförproduksjonane
- Halde landbruksareala i hevd
- Stimulere produksjonsmiljø og kvalitet
- Auke rekruttering, bygge kompetanse
- Styrke variert verdiskaping

Fylkesmannen sitt bilde av kommunen:

Landbruksnæringa er ei lita næring samanlikna med andre i Herøy. Landbruket i kommunen er under press, og tala viser stagnasjon i næringa. Analyser frå NILF viser at det er i 2010 var 34,2 årsverk direkte knytt til primærproduksjonen. Kulturlandskapet i Herøy har viktige og populære område for aktivitet og rekreasjon for eit større omland.

Mjølkeproduksjonen er den økonomisk viktigaste produksjonen, men der er også ein del andre storfe i kommunen og litt sauehald. I Herøy er der også ein betydeleg eggproduksjon. Sidan 2000 har tal mjølkeprodusentar minka frå 17 i januar 2000 til 4 i januar 2014. Talet på

mjølkekyr har også gått ned, og gjennomsnittsbuskapen er nesten like liten som i 2000. Mjølkeproduksjonen har gått sterkt attende, og var 258.451 liter i 2013. Mjølkebøndene i Herøy kjøper lite mjølkekvote. Storfehaldet har gått kraftig attende, men sauehaldet viser ein liten auke.

Utvikling i mjølkeproduksjonen i Herøy

Tekst	2000	2003	2011	2013	2014
Tal mjølkeprodusentar	17	12	4	4	4
Tal mjølkekryr	177	130	45	46	43
Produksjon (mill. liter)	890231		264025	258451	
Buskap, storleik i Herøy	10,4	10,8	11,3	11,5	10,8
Buskap, storleik i Møre og Romsdal	14				24,7

Kjelde: Landbruksdirektoratet

Oversikt over andre produksjonar


Tekst	2003		2014	
	Tal føretak	Dekar	Tal føretak	Dekar
Grovfôr	61	6100	58	5447

Grovfôrproduksjon dominerer arealbruken i Herøy. 653 dekar har gått ut av produksjon.


Kjelde: Landbruksdirektoratet

Ved sida av storfe er det også om lag 38 sauehalarar med i alt 1334 vaksne sauvar, og tal storfe for kjøtproduksjon er om lag 191. Herøy har dessutan ein betydeleg eggproduksjon med 6 aktive produsentar og ein honningprodusent.


Landbruket i kommunen har dei same utfordringane som fylket elles, lav lønsemd, store strukturendringar og stort investeringsbehov. Landbruket har også utfordringar med rekrutteringa. Mykje leigejord og meir transport er eit aukande problem.



Det blir færre kyr i kvar fjøs enn i 2005-06. Søknader om produksjonstilskot per 1. januar. Kjelde: Landbruksdirektoratet



Kvart føretak dreiv noko meir jord i 2014 enn i 2000, Kjelde: Landbruksdirektoratet



Noko større del av jord i drift er no leigmeldt jord, også i Herøy, i 2014 heile 62 % mot 48 % i 2000. Kjelde: Landbruksdirektoratet

		Jordbruksareal	Tal føretak 2013	Mjølkekvote 2013	Åverking snitt siste 3 år m ³	NMSK snitt siste 3 år	Tilskot skogsveg snitt siste 3 år kr	Omdisp dyrka jord 2007-2012 da
1502 MOLDE		12 399	62	442	2 652 000	6 063	118 034	183 761
1502 KRISTIANSUND		2 930	14	39	234 000	191	560	13 333
1504 ÅLESUND		1 718	20	49	294 000	80	19 692	0
1511 VANYLVEN		22 549	122	600	3 600 000	3 741	7 285	36 000
1514 SANDE		5 588	31	121	726 000	152	1 320	0
1515 HERØY		5 115	58	43	258 000	44	0	0
1516 ULSTEIN		4 408	29	136	816 000	723	0	5 500
1517 HAREID		3 347	20	85	510 000	1 820	0	0
1519 VOLDA		15 749	107	592	3 552 000	8 902	36 432	121 452
1520 ØRSTA		34 672	187	1326	7 956 000	31 340	55 810	1 804 968
1523 ØRSKOG		4 462	34	189	1 134 000	249	9 620	51 051
1524 NORDDAL		11 361	96	373	2 238 000	4 356	4 733	75 833
1525 STRANDA		14 778	98	681	4 086 000	6 331	22 380	104 069
1526 STORDAL		3 992	28	181	1 086 000	5 329	0	331 670
1528 SYKKYLVEN		10 631	72	308	1 848 000	4 254	41 035	70 893
1529 SKODJE		3 670	18	156	936 000	5 531	227 834	70 600
1531 SULA		691	6	21	126 000	0	1 133	0
1532 GISKE		9 123	39	368	2 208 000	0	0	0
1534 HARAM		17 139	89	718	4 308 000	1 279	11 176	0
1535 VESTNES		17 796	99	759	4 554 000	12 028	77 218	13 057
1539 RAUMA		33 956	177	1218	7 308 000	16 896	230 073	423 634
1543 NESSET		22 666	106	866	5 196 000	4 240	193 215	190 576
1545 MIDSUND		4 911	25	152	912 000	0	0	0
1546 SANDØY		3 934	14	250	1 500 000	0	0	0
1547 Aukra					263	2 400	0	202
1548 FRÆNA		53 171	196	2910	17 460 000	780	43 349	10 833
1551 EIDE		19 494	74	770	4 620 000	1 235	7 558	19 500
1554 AVERØY		17 902	88	832	4 992 000	534	13 943	0
1557 GJEMNES		24 261	126	1061	6 366 000	3 225	107 224	57 665
1560 TINGVOLL		18 847	99	860	5 160 000	12 981	732 986	334 728
1563 SUNNDAL		21 433	112	744	4 464 000	8 789	195 880	287 500
1566 SURNADAL		35 391	164	1538	9 228 000	16 533	705 661	376 662
1567 RINDAL		24 767	95	1404	8 424 000	5 809	230 061	11 022
1571 HALSA		14 165	87	540	3 240 000	6 104	256 295	194 076
1573 SMØLA		14 381	71	170	1 020 000	0	0	0
1576 AURE		21 717	98	724	4 344 000	3 512	79 773	0

5.2 Landbruk og bygdeutvikling

Fylkesmannen sine fokusområde:

Kommunen har ei sentral rolle i utvikling av landbruket, både det tradisjonelle landbruket og utvikling av nye bygdenæringer. Fylkesmannen legg vekt på samarbeidet som er etablert med kommunane gjennom hoppid.no, og har forventningar til at kommunen utviklar gode samarbeid mellom tradisjonell landbruksforvaltning og Hoppid-kontoret.

I fylket pågår det fleire utviklingsprosjekt, som Fylkesmannen oppmodar kommunane om å vere proaktive i høve til:

Fylkesmannen og partnarskapen har starta rekrutteringsprosjekt, i tillegg til etablerte satsingar på vegval for mjølkeprodusentar, eliteprogram for fôrproduksjon, spesialisert kjøtproduksjon og prosjektsatsinga Fortsatt gardsdrift. Kommunen vert oppmoda om å informere bønder om mulighetene til å delta i prosjekta.

Kommunen bør vere merksam på om det er bygder i kommunen som vil/bør søkje om å bli med i bygdemobiliseringsprogrammet

Kommunen har eit ansvar for å planlegge og legge til rette for utvikling av skognæringa i kommunen.

Fylkesmannen sitt bilde av kommunen:

Fylkesmannen har inntrykk av at landbruksforvaltninga har bra kontakt med produksjonsmiljøa. Det er viktig for jordbruket å ta vare på og utvikle aktive og gode produksjonsmiljø.

Fylkesmannen er generelt oppteken av at kommunane skal vere proaktive i høve til utvikling av landbruksnæringa og bygdene generelt, og ønskjer at det skal utviklast gode samarbeid mellom landbruksforvaltning og Hoppid-kontoret.

Herøy kommune har hoppid-kontor gjennom Ålesund kunnskapspark, avdeling Nyskaping, Ulsteinvik, som står for rettleiing i samband med bedriftsutvikling og -etablering. Gjennom hoppid-avtalen får kommunen tilgang til eit viktig rådgivningsnettverk, og gründerane kan søkje om avklaringsmidlar i ein tidleg fase av etableringa. I 2013 fekk 170 gründerar over heile fylket tildelt avklaringspengar.

Runde grendelag har drive med bygdemobilisering sidan 2011. Målet med mobiliseringa er blant anna å gjere Runde til ein attraktiv stad å bu og utvikle fleire trivselstiltak. I tillegg har det vore arbeidd med å danne ein nettportal der ein kan marknadsføre bygda på ein betre måte. Prosjektet er tenkt avslutta i løpet av året.

Skogbruk:

Det har ikkje vore nemnande avverking i Herøy sidan åra før og rett etter nyttårsorkanen i 1992. Planteaktiviteten var rimeleg høg i 60-70 åra. Denne skogen er ikkje hogstmoden enno. Det er likevel viktig å vere tidleg ute med planlegging av dei driftstekniske tilhøva slik at hogsten vert mest mogleg rasjonell og lønsam for skogeigar. Det kan vere planlegging av skogsvegar, lunnepllassar og andre samarbeidstiltak.

Det er vidare viktig at kommunen følgjer opp plikta til å forynga areala etter hogst.

Dialogpunkt

- Korleis kan kommunen medverke til vidare utvikling av tradisjonelt jordbruk, skogbruk og nye bygdenæringer?
- Kva kan kommunen gjere for å auke/utnytte verdiskapinga og potensialet frå skogbruket?
- Skogsvegar og lunnepllassar
- Planting, fornying og skogkultur

5.3 Forvaltningsoppgåver på landbruksområdet



Sauer på beite.

Fylkesmannen sine fokusområde:

Kommunane er vedtaksmynne for juridiske og økonomiske virkemidlar, og gjer innstilling til søknader om tilskot frå bygdeutviklingsmidlane. Fylkesmannen legg vekt på at forvaltninga skal ha god fagleg kvalitet i høve til regelverket innafor dei ulike fagområda. Staten legg større vekt på kontroll no enn tidlegare, og legg vekt på at kontroll særleg skal rettast mot område med stor risiko for at feil kan skje.

Når nye ordningar vert introduserte, har kommunen eit medansvar for å gjere ordningane kjende i næringa.

Jordvern:

Saman med regionale og sentrale myndigheter har kommunen eit stort ansvar for å ta vare på landbruket sine produksjonsareal gjennom arealforvaltning og kommunen sitt planarbeid. Når landbruksforvaltninga er organisert i eit eige, felles kontor for fleire kommunar, skaper den fysiske avstanden til kommuneadministrasjonen særlege utfordringar i planarbeid og saksbehandling.

Sjølv om landbruk ikkje er ei tung næring i Herøy, skal godt landbruksareal ivaretakast, og jordvern er viktig også her. Kommunen må arbeide for å etablere langsiktige utbyggingsgrenser mot dei viktigaste landbruksareala, og stille krav om effektiv utnytting av utbyggingsområde.

Landbruksnæringa er avhengig av kommunale tenester med god kapasitet, god kvalitet og rutinar som sikrar effektiv og sikker saksbehandling.

Ein leigejordsandel på heile 62 prosent gir grunnlag for å presisere kravet til 10-årige leige-kontraktar, som ikkje kan seiast opp av jordeigar. Då talet på føretak har gått kraftig ned, er det også viktig å sjå til at driveplikta blir oppfylt. Det er ynskjeleg at kommunen prioriterer oppfølging av driveplikta, slik at dei som driv aktivt landbruk leiger areala på langsiktig kontrakt. Slik vil areala dekke eit behov for tilleggsjord, samstundes som dei blir haldne i hevd.

Revidering av kommuneplanen vart vedtatt i 2014. Denne gir eit godt grunnlag for ei arealforvaltning, som gir langsiktige rammer også for landbruksnæringa. Nyrevidert kommuneplan gir også grunnlag for å praktisere ei strammare handheving i dispensasjonssaker.

Tilskotsforvaltning:

Fylkesmannen fører årleg kontroll med kommunane si forvaltning. Herøy vart sist kontrollert i forvaltningskontroll ved landbrukskontoret i 2010. Fylkesmannen fann då avvik frå regelverket ved nokre av dei kontrollerte sakene. Kommunen må aktivt marknadsføre SMIL-midlane (Spesielle miljøtiltak i jordbruksjord) og den nye ordninga med tilskot til drenering av jordbruksjord.

SMIL: (Spesielle miljøtiltak i jordbruksjord)

2014: Tildelt tilskotsramme dette året var kr 110.000 og det vart inndrege kr 49.689 i saker der arbeidsfristen var gått ut. Desse midlane vart løyvde på nytt. Samla løyving til 8 søknader var kr. 159.689.

Drenering av jordbruksjord:

2014: Tildelt ramme var kr 30.000. Kr 17.500 vart løyvt i tilskot til 2 søknader.

Fylkesmannen sitt bilde av kommunen:

- Landbruksforvaltninga i kommunen har brei og allsidig landbrukskompetanse.
Kommunen har svært god oppfølging av både SMIL- og dreneringssakene.

Dialogpunkt

- Nytt regionalt miljøprogram for Møre og Romsdal vart innført i 2013. Er det alle som utnyttar mulighetene gjennom Regionalt Miljøprogram?
- Er det gode rutinar for risikobasert kontroll og oppfølging av eventuelle avvik knytt til produksjonstilskot og anna tilskotsforvaltning?

Kap. 6 – Oppvekst og utdanning



Fylkesmannen skal mellom anna bidra til å ivareta rettane og rettsvernet til elevar.

- Generelt om status, utviklingstrekk og utfordringar på fagområdet
- Barnehage
- Grunnskule

6.1 Generelt om status, utviklingstrekk og utfordringar på fagområdet

Barn og unge har plikt til grunnskuleopplæring, og rett til ei offentleg grunnskuleopplæring. Noreg har tiårig obligatorisk grunnskule som blir finansiert av kommunane. Barna tek til på skulen det året dei fyller 6 år. All ungdom mellom 16 og 19 år har rett til vidaregåande opplæring. Elevane kan velje mellom yrkesførebuande eller studieførebuande program, og opplæringa blir finansiert av fylkeskommunen.

Fylkesmannen skal bidra til at den nasjonale utdanningspolitikken blir følgd opp av fylkeskommunale, kommunale og private skuleeigarar. Vi skal vere ein ressurs og eit serviceorgan for kommunar, fylkeskommunar og andre med oppgåver innanfor opplæring, til dømes private skular, studieforbund og folkehøgskular.

Fylkesmannen skal dessutan bidra til å ivareta rettane og rettsvernet til elevar, føresette, lærlingar og deltarar i vaksenopplæringa.

6.2 Barnehage

Barnehagen skal vere ei pedagogisk verksemd som gir barn under skulepliktig alder gode tilhøve for utvikling og aktivitet. Alle kommunar har ei lovfesta plikt til å tilby nok barnehageplassar, og kommunane har også ansvar for å finansiere barnehagane. Fylkesmannen skal medverke til å nå dei nasjonale måla for barnehagepolitikken.

Fylkesmannen skal mellom anna:

- utføre tilsyn
- gi generell informasjon og rettleiing
- sikre rettar gjennom behandling av klager og andre enkeltsaker
- leggje til rette for og vere pådrivar i arbeidet med å betre kvaliteten
- forvalte statlege tilskot
- medverke til tverrfagleg samarbeid

Fylkesmannen sine fokusområde:

Retten til barnehageplass: Fylkesmannen skal følgje opp kommunane og sjå til at dei oppfyller retten til barnehageplass.

Rekruttering: Fylkesmannen skal prioritere og sette i verk tiltak for auka rekruttering til barnehagelæraryrket.

Likestilling: Fylkesmannen skal bidra med å auke rekrutteringa av menn til barnehagelæraryrket.

Innhaldet i barnehagen og utviklinga av kvalitet i barnehagen: Fylkesmannen skal på fleire området arbeide med tiltak for å auke kvaliteten i barnehagane, mellom anna:

- bidra til vidareføring av satsinga *Vennskap og deltagelse* - kompetansesatsing for barnehagetilsette til dømes tiltak for å ta i vare mangfalds- og likestillingsperspektivet
- bidra til implementering av rettleiaren *Barns trivsel – voksnas ansvar* - gjennom samarbeid med relevante aktørar
- informere om tiltaka for rettleiing av nyutdanna barnehagelærarar

Økonomisk likeverdig behandling: Prioritere informasjon knytt til kommunane sin praktisering av forskrift om likeverdig behandling ved tildeling av offentlege tilskot til ikkje-kommunale barnehagar

Fylkesmannen sitt bilde av kommunen:

Retten til barnehageplass:

Ut frå Fylkesmannens vurdering oppfyller kommunen retten til barnehageplass.

Rekruttering:

Kommunen hadde 20,3 prosent av styrarar og pedagogiske leiarar på dispensasjon frå utdanningskravet i des. 2013. Det betyr 12 av 59 på dispensasjon. Herøy kommune synest såleis å ha betydelege utfordringar med å få rekruttert kvalifisert personell til barnehagane. Sett i forhold til SSB sine prognosar for befolkningsutviklinga, vil behovet for tilsette i barnehagane vere aukande på lang sikt (2020-2040), med pluss 16 tilsette i 2020, og minus 2 fram mot 2040. Dette i forhold til dagens bemanningsnivå, og erstatning av tilsette som sluttar/går av med pensjon kjem i tillegg.

Likestilling:

I basisverksemda med styrarar, pedagogiske leiarar og assistenter er det i barnehagane i Herøy ca 2 % menn, dvs 3 av 147, mot fylkessnittet på 4,5%

Innhaldet i barnehagen og utviklinga av kvalitet i barnehagen:

Fylkesmannen sin kjennskap til innhaldet i barnehagesektoren kjem i det vesentlege frå klagesaker, gjennomførte tilsyn og kontakt i samband med tildeling av utviklingsmidlar, konferansar, møte m.m

Det er stabilt arbeid på kommunenivået med det barnehagefaglege ansvaret over tid.

Kommunen har utvikla lokal rammeplan for barnehagane for perioden 2012 – 2016.

Deltakande på FM sine samlingar, aktiv og engasjert både når det gjeld oppgåvene kommunen har som eigar og som myndighet. FM opplever eit godt samarbeid i det regionale barnehagenettverket på Søre-Sunnmøre, 7-stjerna. Det vart gjennomført tilsyn i 2012 utan avvik eller merknader.

Økonomisk likeverdig behandling:

I Herøy kommune er det 4 kommunale barnehagar og 5 ikkje-kommunale. Praktiseringa av forskrift om likeverdig økonomisk behandling av ikkje-kommunale barnehagar er såleis eit svært aktuelt tema.

Nøkkeltal for barnehageområdet for 2013

Indikatorar	1515 Herøy	KOSTRA gr. 8	M&R	Landet u/ Oslo
Del av barn 1-5 år med barnehageplass	88,4	91,1	92,6	90,8
Del av barn i barnehagane som er minoritetsspråklege	11,3	9,4	9,2	11,2
Del av barn i barnehagar i kommunale barnehagar	26	42	49	50
Del av tilsette med førskolelærarutdanning	28,4	33,9	30,2	34,1
Del av assistenter med fagutdanning eller tilsvarende	17	27	29	30
Del av tilsette i barnehagane som er menn	2	6,8	4,2	7,6
Barn per årsverk i kommunale b.h.g.	6,9	6,5	6,1	6,2
Barn per årsverk i private b.h.g.	6,8	6,5	6,5	6,5
Korrigerte brutto driftsutgifter til kommunale barnehagar per korrigert oppholdstid (kr)	48	53	53	54
Kommunale overføringer av driftsmidler til private barnehagar per korrigert oppholdstid (kr)	39	39	36	39
Styrka tilbod etter barnehagelov(kostra-funksjon 211) og spesialpedagogisk hjelp etter opplæringslov (§ 5-7)				
Andel av barn i barnehagar som får ekstra ressursar til styrka tilbod (f 211)	20,8	14,9	15	16,4
Brutto driftsutgifter per barn som får ekstra ressursar etter funksjon 211	43402	70563	66851	61140
Andel barn i barnehagar med spesialpedagogisk hjelp etter oppl. § 5-7	1,9		2,8	2,2
Årstimar hjelp per barn etter § 5-7	587		424	548
Fordeling av timer på (spesial)pedagog/ assistent etter § 5-7	13/87		37/63	55/45

Dialogpunkt

- Kva utfordringar har kommunen opplevd som både barnehageeigar og –myndighet?
- På kva måte arbeider ein med strategien Kompetanse for framtidens barnehage?
- Kva erfaringar har ein med å utvikle lokal rammeplan, kva effekt gir det?

6.3 Grunnskule

Med grunnopplæring meiner vi grunnskule og vidaregåande opplæring. Opplæring på grunnskulenivå er eit kommunalt ansvar, medan fylkeskommunen har ansvar for opplæringa på vidaregåande nivå. I tillegg kan private skuleeigarar tilby grunnopplæring.

Fylkesmannen medverkar til kvalitetsutvikling av grunnopplæringa gjennom rapportering, vurdering og rettleiing. Fylkesmannen utøver dessutan tilsyn, ser til at vedtak er lovlege og handsamar klagesaker knytt til grunnopplæringa.

Fylkesmannen koordinerer avvikling av sentralt gjeve eksamen i vidaregåande opplæring.

Fylkesmannen sine fokusområde:

Læringsmiljø: Elevane har rett på et læringsmiljø som fremmar helse trivsel og læring (jf opplæringslova § 9a-1. Status på området kan indikerast gjennom resultat frå elevundersøkinga for indikatorar relatert til læringsmiljøet.

Fylkesmannen har i perioden frå hausten 2010 og fram til 2014 ført tilsyn med kor godt skulane arbeider med skolemiljøet på områda førebygging, individuelt retta arbeid og brukarmedverknad. FM har gjennom prosjektskjønnsmidlar i 2011 og 2012 støtta prosjekt som siktar mot å utvikle skulane sitt systematiske arbeid med temaet.

I 2015 vil Fylkesmannen føre vidare arbeidet mot mobbing og krenkande åtferd gjennom målretta tiltak.

Ressurssituasjonen: Fylkesmannen følgjer med på utviklinga av ressursbruken i skulen, også kor stor del av elevar som får spesialundervisning og kor stor del av ressursane som blir brukt til spesialundervisning kontra ordinær opplæring. Ein auke i bruken av spesialundervisning som medfører reduksjon av ressursar til ordinær opplæring er etter FM si vurdering ei uønskt utvikling. FM har dei siste åra presentert statistikk på området på arenaer med kommunane og sett fokus på utviklinga. FM har gjennom prosjektskjønnsmidlar i 2011, 2012 og 2013 støtta prosjekt som siktar mot å forbetre kommunane, skulane og PPT sitt arbeid med spesialundervisninga.

Tilstandsrapporten og skuleeigar sitt ansvar: Fylkesmannen har fokus på at skuleeigar brukar tilstandsrapporten etter opplæringslova § 13-10 som grunnlag for drøftingar og når ei skal ta avgjerder på politisk skuleeigarnivå.

Fylkesmannen samarbeider med KS og M&R fylkeskommune om skuleeigarprogrammet «Den gode skuleeigar» som blir gjennomført i 2013 og 2014.



Vurdering for læring: Overordna målsetting er å legge til rette for at skuleigar og skular kan vidareutvikle ein vurderingskultur og ein vurderingspraksis som har læring som mål. Dette er ei fireårig satsing som har vart frå hausten 2010. Møre og Romsdal er med i 4. pulje som starta våren 2013. Satsinga viser seg å ha vore vellukka no bestemt vidareført slik at fleire får høve til å vere med på dette utviklingsprogrammet.

Ungdomstrinnssatsinga: På grunnlag av Meld. St. 22 *Motivasjon – mestring – muligheter* (Ungdomstrinnsmeldiga), er det frå sentralt hald utarbeidd ein eigen strategi for gjennomføring av satsinga på ungdomstrinnet i fem år framover. Målsettinga er eit meir

praktisk, variert, relevant og utfordrande ungdomstrinn som skal auke elevane sin motivasjon og læring. Regjeringa gjer tre hovudgrep som skal bidra til dette: innføring av valfag, auka fleksibilitet og prioriterte verkemiddel for utvikling av forbetra undervisning i den ordinære opplæringa.

Fylkesmannen sitt bilde av kommunen:

Læringsmiljø:

Ved å bruke prosentil som mål kan ein sjå korleis skulane i kommunen grupperer seg i forhold til alle skulane i landet.

Forklaring:

Prosentilar er oppgitt som tal mellom 1 og 5. 1 = mellom dei 20% med lågaste mobbetal landet, 2= mellom dei 40 % lågaste, 3= 60%, 4=mellan dei 40% høgaste tala og 5=mellan dei 20% med høgaste mobbetal i landet.

Tala for skulane i Herøy dei siste 5 åra er slik:

7. trinn:

Skule	Prosentil 2013	2012	2011	2010	2009
Bergsøy skule	3	4	4	5	3
Einedalen skule	4	3	2	4	Ikkje deltatt
Leikanger skule	5	1	1	1	5
Moltu skule	1	1	4	4	1
Møre barne- og ungdomsskule (privat)	5	1	1	5	Ikkje deltatt
Nerlandsøy skule	1	4	3	5	1
Stokksund barne- og	1	5	5	5	1

10. trinn:

Skule	Prosentil 2013	2012	2011	2010	2009
Møre barne- og ungdomsskule (privat)	4	3	3	1	5
Stokksund barne- og	4	2	1	3	4
Ytre Herøy ungdoms	2	4	2	4	4

Ressurssituasjonen:

Herøy har inneverande skuleår andel elevar med spesialundervisning lågare enn snittet med 5,1%. Landsnittet er 8,4 %. I perioden frå 2005 til 2012 har talet variert mellom 4,1% og 6,6%.

I same perioden frå 2005 og fram til no har den samla lærartettleiken vore omtrent uendra i og med at gjennomsnittleg gruppestørleik har vore omtrent uendra.

Herøy brukar ein mindre del av lærartimane til spesialundervisning enn snittet, ca. 14,5% mot lands- og fylkessnitt på ca. 18%.

Vurdering for læring:

Herøy kommune har vore med i pulje 4 i satsinga *Vurdering for læring*. Denne nasjonale satsinga går ut på å auke kvaliteten på elevvurderinga, som eit verkemiddel til betre læring for elevane. Det er meininga at deltagande kommunar også skal bidra til spreiing av

kunnskapen dei får gjennom satsinga til andre. Kommunen har vore aktivt med i arbeidet og Fylkesmannen har inntrykk av at dei har jobba godt med satsinga.


Ungdomstrinnssatsinga:

Satsinga kom i gang frå og med hausten 2013, og kommunane vart våren 2013 invitert til ei kartlegging av kompetansebehov innanfor dei prioriterte områda. Det vil blir gitt tilbod om støtte til skulebasert kompetanseutvikling til alle ungdomsskulane i landet med oppstart anten hausten 2013, 2014, 2015 eller 2016. Det blir viktig at kommunane, ut frå eigne planar og behov, legg opp ein eigen strategi for satsinga. Det bør der klargjerast om og korleis dei vil utnytte tilboda om støtte frå eit høgskolemiljø, og korleis dei legg opp utviklinga av ungdomstrinnet også utanom perioden på tre semester der dei får ekstern bistand. Herøy er sett opp i pulje 2 og starta opp med bistand frå høgskolemiljø frå og med hausten 2014 og i tre semester framover. Tilbod om slik bistand går gjekk ut til kommunen frå Utdanningsdirektoratet.

Nøkkeltal for grunnskoleområdet for 2013

<i>Indikatorar</i>	<i>1515 Herøy</i>	<i>KOSTRA -gruppe 8</i>	<i>M&R</i>	<i>Landet u/ Oslo</i>
Elevar per kommunal skule	156	239	170	210
Gjennomsnittleg gruppestorlek, 1.-10.årstrinn	13,7	13,8	13,2	13,5
Del av elevar i grunnskolen som får spesialundervisning	6,7	8,8	8,9	8,4
Del av elevar i grunnskolen som får særskilt norskopplæring	4,8	4,4	4,5	5,7
Del av timer til spesialundervisning av lærartimer totalt	15,9	18,6	18	17,8
Del av elevar i grunnskolen som får tilbod om skoleskyss	30	24	29	24
Gjennomsnittleg grunnskolepoeng	38,8	..	40,1	40
Andel elevar med direkte overgang frå grunnskole til vidaregåande opplæring	99,2	98	98,3	98

Utviklinga av prosentdel elevar med spesialundervisning sett opp mot lærartettleik (gruppestorlek) dei siste ni åra.



Dialogpunkt:

- Kva for utbytte meiner kommunen skulane har fått gjennom deltakinga i satsinga *Vurdering for læring?*
- Kva er for tida dei største utfordringane for skulesektoren i kommunen?

Kap. 7 – Helse og sosial



Herøy kommune har tolv fastlegelister fordelt på to legekontor.

- Generelt om status, utviklingstrekk og utfordringar på fagområdet
- Kommunehelse
- Pleie og omsorg
- Gjennomføring av helsehjelp med tvang
- Psykisk helsearbeid
- Rusfeltet
- Sosialtenesta
- Barnevern

7.1 Generelt om status, utviklingstrekk og utfordringar på fagområdet

Fylkesmannen er eit forvaltnings- og kompetanseorgan og skal medverke til å gjennomføre nasjonal politikk i helse- og omsorgssektoren regionalt og iverksetting av sektorpolitikken gjennom kommunane. Fylkesmannen skal drive rådgiving mot sentrale myndigheter, kommunane, fylkeskommunane, helseføretaka, frivillige organisasjonar og befolkninga. Dette inneber blant anna å informere, rettleie og gi råd innan helse- og omsorgslovgivinga, sosiallovgivinga og barnevernslovgivinga.

Gjennomføring av samhandlingsreforma vil krevje ekstra merksemd i åra framover. Vidare har Fylkesmannen oppgåver knytt opp mot kvalitetsutvikling og prioritering i helse- og

omsorgstenesta. Fylkesmannen har gjennom eit eige fullmaktsbrev fullmakt til å forvalte ulike tilskotsordningar.

Fylkesmannen skal, som tilsynsmyndighet, ha kunnskap om barns oppvekstforhold, befolkningas levekår, helsemessige forhold i befolkninga og behov for barnevernstenester, sosiale tenester i Nav og helse- og omsorgstenester. Fylkesmannen skal vidare kontrollere om tenestene blir utøvd i tråd med krav i barnevernlova, lov om sosiale tenester i Nav, lov om kommunale helse- og omsorgstenester, spesialisthelsetenestelova m.v. og gripe inn overfor verksemder som utøver sine tenester i strid med lovgivninga. Fylkesmannen skal føre tilsyn med alt helsepersonell og anna personell i kommune- og spesialisthelsejeneste som yter helse- og omsorgstenester.

7.2 Kommunehelse

Dette delkapitlet omhandlar kommunens lovpålagde ansvar for legetenester og øyeblikkeleg hjelp, helsetasjonstenester, skulehelsetenester og førebyggande helsearbeid. Desse tenestene er forankra i *Lov om kommunale Helse- og omsorgstenester*.

Fylkesmannen sine fokusområde:

Legetenester:

- Fylkesmannen har eit følgje-med ansvar når det gjeld forsvarlege legetenester og tilstrekkeleg legedekning i kommunane.
- Fylkesmannen fylgjer med i utviklinga av nye tilbod om øyeblikkeleg hjelp i kommunane (ø-hjelp), korleis tilboda blir organisert og korleis samarbeidet med helseføretaket sikrar trygge tenester for befolkninga.
- Fylkesmannen fylgjer også med på prosessar omkring organisering av legevaktstenester. Frå 2014 skal også nytt digitalt nødnett innførast i Møre og Romsdal. Fylkesmannen stiller seg positiv til legevaktssamarbeid, og er av den oppfatning at dette vil samla sett gjere tenestene meir robust og kvalitetsmessig sett betre.



Førebyggande helsetenester:

Fylkesmannen har fokus på førebyggande helsetenester og forvaltar tilskotsmidlar til etablering og vidareutvikling av frisklivssentral i kommunane.

Fylkesmannen sitt bilde av kommunen:

Fastlege- og helsetenesta:

I følge HELFO har Herøy kommune tolv fastlegelister fordelt på to legekontor. To av listene, ei ved Herøy legesenter og ei ved Myrvåg legesenter er ført opp som «vakant», dvs. uten navngitt fastlege. I tillegg til disse to listene, er det pr. 16.02.14 ytterlegare to lister med ledige plassar.

Fylkesmannen har i 2014 og 2015 behandla tre tilsynssaker på helsepersonell i Herøy kommune. Ei av sakene er oversendt til Statens helsetilsyn for vurdering av om det er grunnlag for administrativ reaksjon mot helsepersonellet. I to av dei andre sakene blei det avdekka lovbro. I disse saka fann derimot Fylkesmannen det ikkje nødvendig å oversende saka til Statens helsetilsyn på bakgrunn av dei tilbakemeldingane vi fekk frå helsepersonellet. Det vil bli vurdert ytterlegare tilsynsoppfølging på eit seinare tidspunkt. Ei sak som fekk mykje merksemd omhandla Herøy omsorgssenter, Gul avdeling. Den saka blei avslutta i brev av 14.07.2014 på bakgrunn av framlagt plan frå Herøy kommune. I brevet bad vi om å bli halde orientert om det vart endringar i plana.

Fylkesmannen behandla ei rettighetsklage frå kommunen i 2014. Kommunen sitt vedtak blei stadfesta.

Helsefremjande og førebyggande arbeid:

Gjennom føringane av samhandlingsreforma og nytt lovverk skal kommunen ha tilbod om helsefremjande og førebyggande tenester for innbyggjarane. Herøy kommune har ikkje etablert frisklivssentral.

Helsestasjonsteneste og helseteneste i skolen:

Årsverk i alt til førebygging, helsestasjon og skolehelseteneste er auka med 0,1 stilling om ein ser på tala frå 2011 til 2013. Kommunen har etablert helsestasjon for ungdom (Kjelde: Kostra).

Herøy kommune får kr 823 000 til styrking av helsestasjon- og skolehelseteneste innan dei fire inntekter for 2015.

Fylkesmannen har ikkje hatt klager, eller tilsyn med helsestasjon- og skolehelsetenesta på fleire år, og er ikkje kjent med kvaliteten på områdane.

Dialogpunkt

- Korleis vurderer kommunen tilgangen på fastlege i kommunale oppgåver, eksempelvis sjukeheim, helsestasjon, miljøretta helsevern, både no og i dei komande åra?
- Korleis vil ev. kommunen i framtida sikre dekning av fastlegar?
- Kva er den største utfordringa kommunen ser når det gjeld communal ø-hjelp, her under organisering av akuttplassar, legevaktsteneste med digitalt naudnett, legevaktsbemanning og ambulansetenester?
- Korleis sikrar kommunen tilbod om helsefremjande og førebyggande tenester for alle innbyggjarane?
- Kva er den største utfordringa for kommunen i arbeidet med helsefremjande og førebyggande tiltak?
- Kva plan har kommunen for styrking av helsestasjon- og skolehelsetenesta i 2015?

7.3 Pleie og omsorg

Dette delkapitlet omhandlar kommunens lovpålagde ansvar for helsetenester i heimen, personleg assistanse, her under praktisk bistand og opplæring, støttekontakt, plass i institusjon, her under sjukeheim og avlastningstiltak. Desse tenestene er forankra i *Lov om kommunale Helse- og omsorgstenester*.

Fylkesmannen sine fokusområde:

Fylkesmannen har mange oppgåver knytt til dette tenesteområdet, mellom anna gjennom den nasjonale satsinga Omsorgsplan 2015, som no er utvida til 2020 – Morgondagens omsorg.

Demensplan 2015:

Til grunn for demensplanen ligg ei erkjenning av at dagens omsorgsteneste ikkje i stor nok grad er bygd og tilrettelagt for personar med demens. Det gjer at det dei nærmaste åra er naudsint med endringar både i høve til omsorgstenesta si kompetanse, organisering og fysiske utforming. Demensplanen løfter fram tre hovudsatsingsområde: *dagaktivitetstilbod, betre tilpassa butilbod, samt auka kunnskap og kompetanse*. Demensplanen har tydelege mål som skal vere nådd ved planperiodens slutt i 2015.

Kompetanseløftet 2015: (K2015) er regjeringa sin kompetanse- og rekrutteringsplan for dei kommunale omsorgstenestene. Med betydeleg fleire eldre og andre med behov for omsorgstenester og færre i yrkesaktiv alder, går aldersbereevna ned. Kompetanseløftet

innehold strategiar og tiltak som skal bidra til å sikre tilstrekkeleg, kompetent og stabil bemanning i omsorgstenestene. Det skal bidra til å møte utfordringane Norge står framfor knytt til den demografiske utviklinga og det framtidige sjukdomsbilete i befolkninga. Tilskot frå K2015 har søknadsfrist 01.april og 01. september, og blir tildelt i juni og oktober.

Kvalitet og pasientsikkerheit i helse- og omsorgstenesta:

Det konkrete arbeidet for å betre kvaliteten i helse- og omsorgstenestene må i all hovudsak skje i verksemndene. Systematisk kvalitets- og pasientsikkerheitsarbeid er eit ansvar for leiarar på alle nivå i tenesta. Arbeidet må forankrast hos og blir etterspurt av toppleiringa, men spesielt leiarar som arbeider nær pasienten har ei nøkkelrolle. Det overordna mål for kvalitets- og pasientsikkerheitsarbeidet er:

- eit meir brukarorientert helse- og omsorgstilbod
- auka satsing på systematisk kvalitetsforbetring
- betre pasientsikkerheit og færre uønska hendingar

Koordinerande eining:

Føremålet med koordinerande eining for habilitering og rehabilitering er å medverke til at brukarar som har behov for tenester frå fleire ulike tenester frå fleire aktørar skal få eit heilskapleg tenestetilbod. Det er krav om at koordinerande eining skal vere synleg, tilgjengeleg og etablert.


Fylkesmannen sitt bilde av kommunen:

Demensomsorg:

Framtidige omsorgsutfordringar skal stå på dagsorden i det ordinære kommuneplanarbeidet. Det vil bidra til langsiktig planlegging og prioritering av omsorgstenesta generelt og demensomsorga spesielt. Herøy kommune har ikkje eigen demensplan, men tenester til personar med demens er nevnt særskilt i kommunen sin handlings- og økonomiplan. Kommunen har skjerma eining, demensteam, dagaktivitetstilbod og har gjennomført pårørandeskule.

Andel årsverk i brukarretta tenester m/ fagutdanning (Enhet %):

Det er eit mål for Kompetanseløftet 2015 i vårt fylke, at 90 prosent av dei tilsette i brukarretta pleie- og omsorgsteneste skal ha helse- og sosialfagleg utdanning. Det er eit ambisiøst mål, som krev felles initiativ frå både utdanningsinstitusjonar og kommunar. Herøy kommune har 78 prosent andel årsverk i brukarretta tenester med fagutdanning. Det er høgare enn gjennomsnittet for landet og Møre og Romsdal.



Andel plassar i einerom i pleie- og omsorgsinstitusjonar (Enhet %):


Kommunar i Møre og Romsdal	<u>2011</u>	<u>2012</u>	<u>2013</u>
Herøy	100	100	80.6
Møre og Romsdal	95.2	93.9	92.7
Landet	93.8	93.5	93.8

I Herøy kommune er 80.6 av plassane i einerom. Fylkesmannen er av den oppfatning at det er viktig å halde fast på den tydelege nasjonale målsettinga om at personar som skal bu på institusjon over lengre tid, skal få tilbod om eige rom. Dette er også forankra i Forskrift om kvalitet i pleie og omsorgstenestane, som seier at kommunen skal utarbeide skriftlege nedfelte prosedyrar som søker å sikre at brukarar av pleie- og omsorgstenester får tilfredsstilt grunnleggande behov som tilbod om eige rom ved langtidsopphold.

Legetimar pr. veke pr. bebuar i sjukeheim

<u>Region</u>	<u>2011</u>	<u>2012</u>	<u>2013</u>	Legetimer per uke per beboer - lokal norm 2008
Herøy	0.28	0.30	0.32	0,35
Møre og Romsdal	0.33	0.38	0,40	
Landet	0,39	0,43	0,46	

Indikatoren viser gjennomsnittleg tal på legetimar pr. veke pr. bebuar i sjukeheim og buform med heildøgns omsorg og pleie. 0.25 timer tilsvrarar 15 min. pr bebuar.



Alle kommunane skal ha ein eigen lokal norm for legedekning på sjukeheim. Herøy kommune sette 0.35 legetimar pr. veke pr. bebuar som lokal norm i 2007. Kommunen hadde 0,32 legetimar per veke per bebuar i 2013. Herøy kommune ligg under gjennomsnittet både for landet og Møre og Romsdal.

Det er framleis grunn til å ha eit sterkt fokus på utviklinga når det gjeld legetid i sjukeheimar og i pleie- og omsorgstenestene elles, spesielt med tanke på at bebuarane i sjukeheim ofte har fleire og meir komplekse helseproblem. Det er om lag 75- 80 % av bebuarane som har kognitiv svikt eller ein demenssjukdom. Kortare liggetid på sjukehus, auka vektlegging av korttids- og rehabiliteringsopphald og styrking av palliativ behandling stiller òg større krav til medisinsk-fagleg kompetanse i sjukeheim. Etter innføringa av Samhandlingsreforma er utbygging av akuttplassar og lokalmedisinske senter viktige verkemiddel for kommunane.

Dialogpunkt

- Har kommunen planer om eigen demensplan?
- Har kommunen planer om å auke talet på dagaktivitetsplasser?
- Har kommunen riktig normtall på legetimar pr. veke pr. bebuar i sjukeheim i 2014, basert på risiko- og behovsvurdering?
- Kva gjer kommunen for å auke andel årsverk med fagutdanning?
- Kva pasientgruppe er det som har minst fagutdanna personell?

7.4 Gjennomføring av helsehjelp eller omsorgstenester med tvang

Å yte helsehjelp eller omsorgstenester ved bruk av tvang er eit inngrep i pasienten sin sjølvråderett. Difor er rettstryggleiken særskilt viktig ved denne typen tiltak. Fylkesmannen skal sjå til at regelverket er fulgt, og at det blir fattet vedtak om tvungen hjelp der dette er aktuelt. Delkapitlet omhandlar tvang etter:

- Pasient- og brukerrettighetslova kap. 4A
- Helse- og omsorgstenestelova kap. 9

Fylkesmannen sine fokusområde:

Pasient- og brukerrettighetslova kap. 4A:

Pasient- og brukerrettighetslova kapittel 4A vart iverksett 01.01. 2009. Regelverket skal sikre at personar utan samtykkekompetanse, som motsett seg helsehjelp skal ha sin rettstryggleik ivaretatt. Fylkesmannen driv opplæring og rettleiing, samt etterprøver vedtak og behandlar klager.

Helse- og omsorgstenestelova kap. 9:

Fylkesmannen si hovudoppgåve i høve til bruk av tvang og makt overfor personar med psykisk utviklingshemming er sakshandsaming av kommunane sine vedtak om bruk av tvang og makt og avgjører om skadeavverjande tiltak i naudsituasjonar.

Gjennom si sakshandsaming og ved ulike tilsyn får Fylkesmannen kjennskap til kommunane sin praksis på dette området. Dei siste åra har det vore fokusert på korleis kommunane kan sikre kvaliteten i tenestene til personar med psykisk utviklingshemming. Det er særleg lagt vekt på kva tiltak som kan settast i verk for å fylle lova sine krav om kvalifisert personell. I 2014 vil Fylkesmannen gjennom sitt utviklingsarbeid fokusere på lova sine krav til tenester som er fagleg og etisk forsvarleg, samt kravet om å arbeide med å finne andre løysingar enn bruk av tvang og makt.

Fylkesmannen sitt bilde av kommunen:

Pasient- og brukarrettighetslova kap. 4A:

Fylkesmannen har jamleg fått kopi av vedtak frå Herøy kommune sidan lova vart iverksett. Det er ikkje spesiell grunn til å tru at det er underrapportering på området. Eit sentralt spørsmål er likevel om regelverket er kjent for heile personalgruppa. Det kan sjå ut til at det er få personar som er involvert og dette kan være sårbart ved sjukdom eller anna fråvær i personalgruppa.

Helse- og omsorgstenestelova kap 9:

Per 01.01.2014 er det rapportert om 34 personar over 16 år i Herøy kommune som har psykisk utviklingshemming. Herøy kommune har per i dag ei aktiv sak der det er søkt om og godkjent vedtak om systematisk bruk av tiltak som reknast som bruk av tvang og makt etter lova. I 2014 rapporterte Herøy kommune om eit tilfelle der det var nytta tvang og makt i ein naudsituasjon overfor ein person som har ei psykisk utviklinghemming.

Dialogpunkt

- Korleis sikrar kommunen at regelverket knytt til avgjerd om bortfall av samtykkekompetanse og tvang, er kjent og etterlevd i heile personalgruppa? Har kommunen rutinar som sikrar at det vert fatta vedtak uavhengig av kven som er på arbeid til ei kvar tid?
- Korleis blir kunnskap om regelverket overført til andre tenesteområde i kommunen?

7.5 Psykisk helsearbeid

Dei kommunale helse- og omsorgstenestene omfattar tenester etter behov uavhengig av brukarens diagnose. Kommunen må difor sjå til at tilbodet til personar med psykiske helseproblem har omfang og kvalitet i samsvar med behovet. Kommunen må også syte for at tenestene har den kompetanse som trengs for å yte eit forsvarleg tilbod.

Fylkesmannen sine fokusområde:

Fylkesmannen har i oppgåve å fylgje med på utviklinga i tenestetilbodet og medverke til auka kvalitet og kompetanse. Ein er spesielt oppteken av god koordinering mellom ulike tenesteaktørar og godt tverrfagleg arbeid.

Fylkesmannen skal gjere seg kjent med, og fylgje tenesteutviklinga på felta *psykisk helsearbeid og rusarbeid til barn, unge og vaksne* i den enkelte kommune, mellom anna gjennom å kvalitetssikre og sende inn rapporteringa frå kommunane.

I samarbeid med nasjonale og regionale kompetansesentra skal Fylkesmannen medverke til kvalitets- og kompetanseutvikling i lokalt psykisk helsearbeid og rusarbeid, gjennom råd, vegleiing og formidling av lovverk, nasjonale mål og faglege retningslinjer. Dette arbeidet bør også involvere brukar- og pårørandeorganisasjonane og spesialisthelsetenesta.

Fylkesmannen har gjennom si verksemd til hensikt å sjå rus-/og psykisk helsearbeid som eit fagfelt, noko som kjem til uttrykk i temasamlingane «Som ringar i vatn», der samhandling mellom kommunar og spesialisthelsetenesta står sentralt.

Fylkesmannen sitt bilde av kommunen:

Slik Fylkesmannen tyder rapporteringstala på ressursbruken innan fagområdet psykisk helsearbeid (IS-24) har Herøy kommune inntil 2015 prioritert å oppretthalde nivået på tenestene etter opphøyr av øyremerking av midlar (01.01.09).

Kommunen har valt å organisere rustenestene i NAV og psykisk helsearbeid ovanfor dei vaksne under eining for helsetenester. Frå politisk hald har det over tid vore eit prioritert fagområde. Det er utvikla eit godt aktivitetstilbod gjennom dagsenteret med spesiell tilrettelegging for dei unge ein dag i veka.

Herøy kommune har teke del i UNG-data undersøkinga der ein har dokumentasjon på at dei psykiske helseproblema ligg noko i overkant av snittet. Kommunen var tidleg ute med tilsetting av kommunepsykolog og ifylgje kommunen har fråvær av denne stillinga har vore merkbart det siste $\frac{3}{4}$ året.

Tenesta sjølv har ei oppleving av at samarbeidet mellom dei ulike fageiningane i kommunen og spesialisthelsetenesta er god.

Dialogpunkt

- Kva utfordringar ser kommunen når det gjeld behov innan psykisk helsearbeid i dag og framover?

7.6 Rusfeltet

Kommunane har ansvar for forsvarlege tenester til personar med rusproblem i tråd med lovverk og retningslinjer for dei kommunale helse- og omsorgstenestene. Dei som misbruker alkohol og andre rusmiddel, skal få råd og hjelp av det kommunale tenesteapparatet. På same måte skal familiemedlemmar og andre pårørande få hjelp og rettleiing. Helse- og omsorgstenestene kan mellom anna hjelpe til med behandling, bustad og etablere eit program for støtte på arbeidsplassen. Om hjelpetiltak i kommunen ikkje er strekker til, skal kommunen vise til tverrfagleg spesialisert rusbehandling i spesialisthelsetenesta.



Parallelt med å arbeide for gode tenester for dei som har utvikla eit misbruk, må kommunen ha eit førebyggande perspektiv på rusfeltet. Det gjeld både med tanke på at problem ikkje skal få etablere seg og at begynnande problem ikkje skal få utvikle seg. Å

redusere både tilgjenge og etterspurnad er viktige element i ein førebyggande strategi, i tillegg til god kompetanse. Tverrfaglege tenester og kompetanse er naudsynt for å utvikle tenester av god kvalitet i kommunane.

I perioden 2008 -2012 var det ein opptrapplingsplan for rusfeltet. Eit av dei viktigaste verkemidla i denne opptrapplingsplanen var tilskot til kommunalt rusarbeid. Ordninga skulle stimulere kommunane til å sette kommunalt rusarbeid på dagsorden. Den vart avslutta i 2012, men vert no relansert i 2014. Stortingsmelding 30 (2011-2012): «Se meg! En helhetlig rusmiddelpolitikk» er ei vidareføring av opptrapplingsplanen på rusfeltet og skisserer den nasjonale strategien på rusfeltet.

Fylkesmannen sine fokusområde:

Fylkesmannen skal koordinere og samordne verkemiddel på dei ulike fagområda på ein slik måte at dei støtter opp under det tverrfaglege- og tverrsektorielle arbeidet på områder innan både psykisk helse arbeid og rusarbeid. (Sjå derfor og punkt 7.7 *Psykisk helsearbeid* og punkt 7.4 *Sosialtenesta*).

Det er tydelege føringar i fylkesmannen sitt oppdrag på fagelta rus/psykisk helse om at barn og unge, og pårørande skal prioriterast. Fylkesmannen skal sjå sine sektoroppdrag overfor barn og unge med samansette problem i samanheng.

Det skal rettas eit særskilt fokus på kapasitet, tilgjenge, heilskaplege og samstundes tenester der kvalitet, kompetanse og kunnskapsbasert praksis skal prege arbeidet.

Fylkesmannen sitt bilde av kommunen:

I perioden 2008-2011 var Herøy med i eit interkommunalt samarbeid med Sande, Hareid og Ulstein. Kommunen fekk tilskotsmidlar frå fleire ordningar i helsedirektoratet for å drive utvida førebyggjande arbeid for barn og unge, i form av utekontakt, aktivitet for ungdom som ikkje var i vidaregående skole, foreldrerettleiing for barn med problem, for å nemne nokre av tiltaka. Samarbeidet vart avslutta i 2011. NAV har ansvar for det kommunale rusarbeidet. (sjå pkt. 7.7)

Kommunen sine heimesider viser at kommunen har tilbod om pårørande kurs i samarbeid med KoRus. Der finn ein og informasjon om fritidsklubben «Smugget», eit rusfritt brukarstyrt tilbod til ungdom i kommunen. Dette er begge gode tiltak for førebygging. På den andre sida finn vil ingen informasjon og kva slags tilbod kommunen har til dei med rusproblem.

Fylkesmannen veit at dette er ein del av NAV-kontoret sine tenester, men det er informasjon som ikkje er tilgjengeleg for publikum. Rusmisbrukarar har ofte samansette problem og mange som slit med helseproblem kan og ha eit rusproblem. Det krev at det kommunale rusarbeidet har ein tydeleg tverrfagleg og tverretatleg profil og tilbod til denne gruppa bør gjerast synleg innanfor fleire fagområde. Av nettsidene kjem det heller ikkje fram om kommunen har ein ruspolitisk handlingsplan.

Brukarplan er eit kartleggingsverktøy som gir ein oversikt over tenestebehovet hos dei som her eit rusproblem og som mottek tenester frå kommunen. Ein slik oversikt gjer kommunen betre i stand til å utvikle tenestene på ein treffsikker måte, fordi den kartlegg behovet hos brukarane. Herøy har ikkje gjennomført ei slik kartlegging, men Fylkesmannen vil anbefale at kommunen tek det i bruk. Det er gratis og Kompetansesenter for rus Midt-Norge gir opplæring og praktisk hjelp til gjennomføring.

Dialogpunkt:

- Korleis arbeider Herøy kommune for å få heilskaplege samanhengande tenester til rusmisbrukarar?
- Har kommunen ruspolitisk handlingsplan, og heng den i tilfelle saman med folkehelsearbeidet og omsorgsplan i kommunen?

7.7 Sosialtenesta



Kommunen sine oppgåver på sosialtenesteområdet er knytt til Lov om sosiale tenester i NAV. Hovudoppgåva for det kommunale tenesteområdet i arbeids- og velferdsforvaltninga er å medverke til at fleire kan kome i arbeid, vidareutvikle arbeidet på fattigdomsområdet og sikre god forvaltning av lov om sosiale tenester i NAV.

Fylkesmannen sine fokusområde:

Fylkesmannen har fokus på korleis kommunen forstår og brukar lova og forskriftene, og om barn og unge sin situasjon blir veklagt i sakshandsaminga. Kommunen har eit sjølvstendig ansvar for rett kompetanse i kontora, men Fylkesmannen medverkar til kompetanseutvikling ved å legge til rette kurs og opplæring for tilsette.

Fylkesmannen ga i 2012/13 opplæring i sosialtenestelova i NAV, med tilhøyrande forskrifter og rundskriv over til saman 5 dagar. I 2014 vart det gitt opplæring til nye tilsette.

Fylkesmannen har fokus på oppfølging av framandspråklege og flyktningar/innvandrarar, og deira behov for sosiale tenester og hjelp til arbeid og integrering i samfunnet.

Fylkesmannen følgjer med i kommunen sitt arbeid mot fattigdom og sosial ulikskap, og forvaltar tilskot til utvikling av gode tenester.

Fylkesmannen sitt bilde av kommunen:

Fylkesmannens bilde av sosiale tenester i NAV-kontoret i Herøy er på grunnlag av den kunnskapen vi har frå før og etter kontakt med NAV-leiar. Vi omtalar i hovudsak dei sosialtenesteområda som kommunen har ansvar for.

Organisering/leiing/partnarskap/generelt:

NAV Herøy blei etablert i 2009 og har sidan hatt same NAV-leiar. Kontoret skal ta i vare kommunens oppgåver etter lov om sosiale tenester i NAV. Dei obligatoriske kommunale tenestene (minimumsløysinga) som inngår i NAV-kontoret er: opplysning, råd og rettleiing, (under dette også økonomisk rådgjeving), økonomisk stønad, midlertidig bustad, individuell plan og kvalifiseringsprogrammet. I tillegg til dei generelle oppgåvene; informasjon og generell førebygging, samarbeid med andre deler av forvaltninga, samarbeid med frivillige organisasjoner, bustader til vanskeligstilte og beredskapsplan.

NAV Herøy har nokre oppgåver etter helse- og omsorgstenestelova; tenester for personar med rusproblematikk, støttekontakt (opp til 67 år), og bustadsosial teneste. Vidare er flyktningtenesta organisert under NAV-kontoret. Kommunen har tatt i mot flyktningar gjennom fleire år. Dei siste åra har dei redusert årleg mottak av flyktningar frå 15 til 10 personer, fordi kommunen også har relativt mange arbeidsinnvandrar som også har behov for kommunale tenester. NAV-kontoret har også ansvar for Husbanken si bustadstøtte.

NAV-leiar deltek i rådmannen si leiargruppe saman med andre einingsleiarar. Ho er også med i eit leiarnettverk for pleie- og omsorg, barn, familie og helse, bu- og habiliteringstenesta.

Det blir gjennomført partnarskapsmøte saman med NAV Møre og Romsdal ein gong per år.

Kontoret har elles tett og jamleg samarbeid med Eigedomsavdelinga. Det er formalisert samarbeid mellom seksjonsleiarane i NAV, psykisk helse, og pleie og omsorg. Elles er det eit tett samarbeid med Internasjonal skule og Barnevernstenesta. Dei har møter med fastlegane i enkeltsaker. Vidare samarbeid med fylkeskommunen si oppfølgingsteneste for å hindre fråfall frå vidaregåande skule.

Kvalifiseringsprogram (KVP):

Kommunen hadde 31.12.14 tre KVP-deltakarar. Desse blir følgt opp av miljøterapeutane. Identifisering av mogelege personar med rett til KVP blir gjort av både miljøterapeutane og av rettleiarane som har fordelt saker etter brukars fødselsdato. NAV-leiar seier KVP-kompetansen i kontoret er god. Vidare at KVP-deltakarar treng tid for å kome i arbeid, fordi dei har samansette problem (slik målgruppa for KVP er). Ho meiner KVP er eit nyttig verktøy dersom ein finn dei riktige tiltaka for den einskilde. Det å ha nok bredd i tiltak for å fylle eit Kvalifiseringsprogram er til tider ei utfordring, til forskjell frå t.d. bykommunane.

Økonomisk stønad og økonomi/gjeldsrådgjeving:

Utbetaling i økonomisk sosialhjelp økte frå 2010 til 2013 og hadde nedgang igjen til under «2010 nivå» i 2014. Flyktningar utgjer ikkje ein stor andel av dei som mottek sosialhjelp, men auka i utbetalt sosialhjelp har vore størst blant flyktningane. Det er også dei som har dei

største årlege utbetalingane. Kommunen har også hatt auke i utbetaling til unge 18 – 24 år, desse har i større grad enn tidlegare blitt fanga opp og jobba godt med. Einslege forsørgjarar er også med ei gruppe som har behov for økonomisk stønad. Det same er trenden på landsbasis.

NAV Herøy har gjennom fleire år hatt eit interkommunalt samarbeid om gjeldsrådgjeving med Hareid, Sande, Ulstein, Vanylven. NAV-leiar seier at behovet for denne tenesta er aukande. Det er og eit aukande behov for rettleiing på generelt grunnlag; lage budsjett og god disponering av pengar, korleis redusere kostnader osv. Denne teneste blir gitt av rettleiarane på NAV Herøy.

Bustader:

På grunn av stor arbeidsinnvandring er presset på bustader stort i Herøy; det blir dyrt å leie og å kjøpe. NAV-kontoret har eit tett samarbeid med Eigedomsavdelinga som tildeler kommunale bustader. NAV-leiar ser at det er behov for fleire mindre bueiningar.

Kommunen hadde tidlegare akuttbustad tilgjengelig, men det var vanskeleg å halde denne ledig fordi det ikkje var lett å finne ei meir permanent løysing til dei som fekk tildelt den akutte bustaden. NAV Herøy har valt heller å løyse akutt bustadbehov ved leie av turisthytter medan dei jobba med meir varig bustad. Kommunen har felles fokus på å utnytte bustadmassen etter behovet til den einskilde til ei kvar tid.

Kommunen hadde bustadsosialt prosjekt i regi av Arbeids- og velferdsdirektoratet i perioden 2006 – 2009. Desse to stillingane blei vidareført. Som nemnt over har NAV kontoret 2 miljøterapeutar knytt til bustadsosial teneste.

Barn og unge:

Barns behov blir kartlagt når forsørgjar er i kontakt med kontoret. NAV-leiar seier at Herøy kommune lenge har hatt en raus praksis for barn og barnefamiliar. Dei tek omsyn til barnets behov for barnehage, skule- og fritidsordning og barnas behov for at familien har bil. Dei gjev tilbod om «Opplevelseskortet» slik at barn og unge får delta i fritidsaktivitetar. Kontoret har samtidig fokus på om foreldre er ansvarlige og brukar pengar på ein slik måte at dei tek i vare barna sine behov. Er kontoret bekymra for barna sin omsorg vert det meldt til barnevernet.

NAV Herøy har barnefattigdomsprosjekt i regi av Arbeids- og velferdsdirektoratet. Prosjektet er i eit spleislag mellom Herøy vidaregåande skule og NAV det er tilsett miljøarbeidarar i skolen for å følgje opp elevar som slit. Sjå elles pkt. 2.4 Betre oppvekst – felles innsats for barn og unge.

Rus:

NAV leiar seier at det er eit relativt oversiktleg narkotikamiljø i Herøy, når dei snakkar med politiet har dei omrent det same inntrykket. Dei ser ein del utfordringar med cannabis og nokon byrjar med dette i ung alder. Herøy kommune har ikkje særskilte lågterskeltiltak for personer med rusproblematikk. Dei søker brukar inn til behandling og handsamar også tvangssaker. Miljøarbeidarane og veiledarane tilbyr aktuelle tenester til målgruppa etter behov og rettighet. NAV-leiar seier at det er høg ruskompetanse blant rettleiarane i NAV-kontoret.

Kommunen har ikkje rusprosjekt, men då dei hadde bustadsosialt prosjektet var personar med rusproblem blant målgruppa, blant anna for å hindre utkasting frå bustad.

Sjå elles pkt. 7.6 Rusfeltet.

Klagesaker:

Fylkesmannen har ikkje behandla klagesaker frå NAV Herøy verken i 2013 eller i 2014.

Tilsyn (landsomfattande systemrevisjon):

Kommunen hadde i 2012 tilsyn på sosiale tenester med fokus på økonomisk sosialhjelp for brukarar med forsørjaransvar for barn. Det blei ikkje avdekt avvik eller gitt merknad.

Dialogpunkt

- Det kan være ei utfordring for flyktningar å komme seg i inntektsgivande arbeid, alternativet er ofte økonomisk stønad. Korleis vil kommunen arbeide med denne utfordringa?

7.8 Barnevern



Ei kjerneoppgåve for barnevernstenesta i kommunane er å undersøke saker der det er bekymring for barn. Ut i frå ei konkret vurdering av tilhøva kan barnevernstenesta sette inn tiltak. Hjelpetiltak i heimen er mest vanleg, og det skal i desse sakene ligge føre ein tiltaksplan. I alvorlege situasjonar kan barnet takast under omsorg og plasserast utanfor heimen, anten i fosterheim eller i institusjon. Det er fylkesnemnda som tek avgjerd i slike tilfelle.

Statsbudsjetta har dei siste åra (2011 – 2014) hatt midlar til styrking av det kommunale barnvernet. Satsinga skal setja kommunane betre i stand til å utføre sine lovpålagte oppgåver etter barnevern-lovgjevinga. Det blir satsa både på fleire stillingar og på kompetanseheving.

Fylkesmannen sine fokusområde:

Fylkesmannen skal følgje opp kommunane med tilsyn i barnevernet, samt fylgje med på kommunen sine planar for styrking/utvikling av tenesta. Den statlege styrkinga av det kommunale barnevernet i dei siste åra (2011-2014) har gitt kommunane i fylket både fleire stillingar og midlar til kompetanseheving. Fylkesmannen har ei rolle både med å fordele styrkingsmidlar og følgje opp resultatet av satsinga. Stillingane er finansiert gjennom øyremerka tilskot. Det er fordelt til saman 44,1 stillingar i vårt fylke frå 2011 til 2014.

Fylkesmannen sitt bilde av kommunen:

Fylkesmannen sitt bilde av barnevernstenesta i Herøy kommune er danna gjennom rapporteringar, klagesaker og anna kontakt. Kommunen har fått midlar til ei stilling gjennom den statlege styrkinga og har etter dette sju fagstillingar. Tenesta har stabil bemanning. Kommunen har vurdert å gå saman med andre kommunar på Søre Sunnmøre i ei felles barnevernsteneste, men har valt å halde fram som eiga teneste. Kommunen vektlegg tverrfagleg arbeid mellom tenestene for barn og unge, og har felles einingsleiar for barn, familie og helse der barnevernet inngår som ei av tenestene.

I april 2014 gjennomførte Fylkesmannen tilsyn med barnevernsverksemda sitt arbeid med oppfølging av barn i fosterheimar. Det vart ikkje funne brot på regelverket på området.

Rapporteringa til fylkesmannen for andre halvår 2014 viser at kommunen i stor grad etterlever lovkrava på dette området også siste halvår. Rapporteringa viser vidare at fristane for saksbehandling i gjennomførte undersøkingssaker er brotne i 23,5% av sakene dette halvåret. Sidan kommunen har få undersøkingssaker, må ein vere forsiktig med å tolke dette talet. Likevel er dette eit område kommunen bør følgje nøye framover.

Under er nokre tal for tenesta vist i forhold til tala for fylket og kommunegruppa. Tala viser at andelen barn med tiltak frå barnevernet pr. innbyggjar 0-17 år er noko høgare i Herøy enn i fylket og kommunegruppa. Samtidig brukar kommunen mindre per innbyggjar 0-17 år til barnevernet. Ei forklaring på dette kan vere at andelen barn som får hjelp i heimen er høgare enn gjennomsnittet for fylket medan andelen barn som er plassert utanfor heimen er lågare enn gjennomsnittet for fylket. Tiltak utanfor heimen er vanlegvis langt meir kostnadskrevjande enn tiltak i heimen.

KOSTRA 2013	Herøy	Møre og Romsdal	Kostragruppe 08
Netto driftsutgifter per innbyggjar, barneverntenesta 0-17 år - kroner	5976	6527	6921
Stillingar med fagutdanning per 1000 barn (0-17)	3,2	3,4	3,5
Netto driftsutgifter (funksjon 244, 251, 252)per barn i barnevernet - kroner	104 940	87 856	147 136
Andel barn med barneverntiltak per innbyggjar 0-17 år - %	5,7	5,3	4,7

Dialogpunkt

- Korleis vurderer kommunen situasjonen i barnevernstjenesta og kva er dei viktigaste utfordringane framover?

Kap. 8 – Oppsummering

8.1 Generelt

Med *Kommunebilde for Herøy* har Fylkesmannen utarbeidd ein kortfatta situasjonsrapport for kommunen som samfunn og organisasjon. Søkelyset er retta mot Fylkesmannen sine fokusområde slik dette kjem til uttrykk gjennom embetsoppdraget frå dei ulike departement og direktorat. Eit viktig mål med dokumentet er at kommunen og Fylkesmannen kan ha dialog om ulike utfordringar og korleis ein kan kome fram til betre løysingar i lag.

Kommunen har på si side utarbeidd *Kommunal planstrategi for Herøy* for perioden 2012 – 2016. Her blir viktige utfordringar for kommunen, og strategiske val for å møte utfordringane, nærmere drøfta. Vidare blir både status for overordna planar etter plan- og bygningslova og planar for ulike kommunale tenesteområde nærmere gjennomgått og vurdert. Kommunen har i inneverande planperiode prioritert sluttføring av arbeidet med revisjon av kommuneplanens samfunns- og arealdel. Samla sett utgjer planstrategien og kommuneplanen viktige verktøy for samfunnsstyring og tenesteproduksjon.

8.2 Vidare dialog og samarbeid

Innhaldsmessig har dette dialogdokumentet retta søkelys mot følgjande hovudtema:

- Regional og kommunal samfunnsutvikling – plansamordning, tverrfagleg innsats for folkehelse og barn/unge, kommuneøkonomi og kommunereform
- Justis og beredskap
- Miljøvern og arealforvaltning
- Landbruk og bygdeutvikling
- Oppvekst og utdanning
- Helse- og sosial

For kvart hovudtema er det lista opp ulike deltema, og til kvart av desse er det under overskrifta *Fylkesmannen sitt bilde av kommunen* gjort nærmere greie for kommunens status i forhold til Fylkesmannens fokusområde og eventuelle andre relevante forhold. Under overskrifta *Dialogpunkt* peikar Fylkesmannen på utvalde innsatsområde som kommunen kan nytte i sitt vidare arbeid med kvalitetsforbetring. Fylkesmannen ønskjer nærmere dialog med

kommunen. På fleire av desse områda kan det vere aktuelt med vidare dialog og samarbeid. Fagavdelingane hos Fylkesmannen representerer her ein viktig kunnskapsressurs som vil kunne følgje opp med råd og rettleiing.

Regjeringa vil i 2015 legge fram nye nasjonale forventningar til regional og kommunal planlegging for perioden 2015 – 2019. Dette vil gi viktige rammer og føringar for ei ny runde med kommunale planstrategiar. Arbeidet med ny kommunereform har som eitt av fleire hovudmål styrking av samordna lokal og regional utvikling i alle deler av landet. Det skal gjerast utgreiingar på regionalt og lokalt nivå. Arbeidet med kommunale planstrategiar vil her kunne vere eit nyttig verktøy.

Fylkesmannens samla inntrykk er at Herøy kommune på dei fleste fagområde gjer ein grundig og systematisk innsats knytt til dei samfunnsoppgåvene og utfordringane kommunen står overfor. Dette omfattar arbeid både innanfor og på tvers av kommunale sektorar og fagområde. Krav om oppdatert fagkunnskap og krav til oppbygging av robuste faglege kompetansemiljø vil vere ei utfordring for mange kommunar; slik også for Herøy.

Vedlegg

Nokre aktuelle lenker til:

Statistikk

- Kommunestatistikk Møre og Romsdal
<http://mrfylke.no/Tenesteomraade/Plan-og-analyse/Statistikk-og-analyser/Kommunestatistikk>
- Fylkesstatistikk Møre og Romsdal 2014
<http://mrfylke.no/Tenesteomraade/Plan-og-analyse/Statistikk-og-analyser/Fylkesstatistikk>
- Folkehelsestatistikk Møre og Romsdal
<http://mrfylke.no/Tenesteomraade/Plan-og-analyse/Statistikk-og-analyser/Folkehelsestatistikk>
- SSB/KOSTRA <http://www.ssb.no/kostra/>

Tabellar/figurar/kart

- Møre og Romsdal fylkeskommune/Plan og analyse/Kart og fagdata
<http://mrfylke.no/Tenesteomraade/Plan-og-analyse/Kart-og-fagdata>

Planar/dokument m.m.

- Regional planstrategi 2012 – 2016 Møre og Romsdal
<http://mrfylke.no/Tenesteomraade/Plan-og-analyse/Regional-planlegging/Regional-planstrategi>
- Fylkesplan for Møre og Romsdal 2013 – 2016
<http://mrfylke.no/Tenesteomraade/Plan-og-analyse/Regional-planlegging/Fylkesplan>
- Riss <http://mrfylke.no/Tenesteomraade/Plan-og-analyse/Statistikk-og-analyser/RISS>
- Temp <http://mrfylke.no/Tenesteomraade/Plan-og-analyse/Statistikk-og-analyser/Konjunkturbarometeret-Temp>

Tilsynskalender sjå

Fylkesmannen i Møre og Romsdal; heimeside <http://www.fylkesmannen.no/More-og-Romsdal/>